

三家詩遺說考

三家詩遺說攷卷第三 三之一

福州陳壽祺學

男喬樸述

韓詩小雅一

鹿鳴

承筐是將

薛君章句曰承受也

文選廿六盧諶贈劉琨詩注

喬樸謹案毛傳承猶奉也奉受義亦相成說文云承奉也受也此兼採毛韓之訓左氏成十六年傳使行人執榼承飲注承奉也又襄二十五年傳承飲而進獻注承飲奉飲此皆與毛傳訓

同禮記玉藻士於大夫不承賀注承猶受也國策齊策而晚承魏之樊注承受也此皆與韓詩訓同又易婦妹女承筐无實虞翻注云自下受上曰承則詩之承筐從韓詩訓受於義爲長

補後漢書明帝紀永平二年詔曰升歌鹿鳴下管新宮八佾具備萬舞於庭

補又永平九年召校官弟子作雅樂奏鹿鳴帝自御塤箎和之以娛嘉賓

補三國志曹植疏遠慕鹿鳴君臣之宴

視民不佻

補玉篇人部詩云視民不佻佻偷也

喬樅謹案毛詩佻字作挑傳云偷也張平子東京賦作示民不偷平子用魯詩者玉篇所引是據韓詩之文

食野之芩

補玉篇艸部芩黃芩也詩曰食野之芩

喬樅謹案毛傳云芩草也不言是黃芩玉篇蓋據韓詩之說

四牡

周道威夷

韓詩曰周道威夷○薛君曰威夷險也文選十潘岳西征賦注○

又仕金谷集詩注仕一秋胡詩注五十六陸倕石闕銘注同

韓詩曰道威夷者也文選十一孫綽天台山賦注

案文選二十七顏延年北使洛詩注引誤作倭遲

又卷十八稽康琴賦注引作倭夷

喬樅謹案釋文云韓詩作倭夷倭字疑淡上文

毛詩而誤毛傳云倭遲歷遠之貌馬瑞辰曰廣

雅賦陟險也義本韓詩威夷猶言鍤鍤說文廣

雅並云鍤鍤不平也不平故爲險險阻者必邪

曲天台山賦既克躋於九折路威夷而修通威

夷承九折言正狀其邪曲也說文倭字注云逶
迤衰去之貌音義與威夷竝相近邪曲則必紆
遠故義又轉爲長文選謝元暉詩威紆距遙句
李善注威紆威夷紆餘流長之貌也顏延年秋
胡行行路正威遲李注引毛傳倭遲歷遠貌又
引韓詩周道威夷其義同是知毛韓字雖異而
音義並相近倭威遲夷四字古音同部故通用
倭通作威猶委虬通作威夷也爾雅威夷長脊
而泥卽說文委
虬虎之有角者也遲通作夷猶陵遲通作陵夷也漢書
地理志注引詩周道郁夷倭郁二字雙聲故亦

通用

不遑啟處

韓詩外傳八魏文侯問李克曰人有惡乎李克曰有夫貴者則賤者惡之富者則貧者惡之智者則愚者惡之文侯曰善行此三者使人勿惡亦可乎李克曰可臣聞貴而下賤則眾弗惡也富而分貧則窮士弗惡也智而教愚則童蒙者弗惡也文侯曰善哉言乎堯舜其猶病諸寡人雖不敏請守斯語矣詩曰不遑啟處

王事靡盬不遑將父

韓詩外傳七齊宣王謂田過曰吾聞儒者親喪三年
君與父孰重過對曰殆不如父重王忿然曰曷爲士
去親而事君對曰非君之土地無以處吾親非君之
祿無以養吾親非君之爵無以尊顯吾親受之於君
致之於親凡事君以爲親也宣王忙然無以應之詩
曰王事靡盬不遑將父

皇皇者華

莘莘征夫每懷靡及

詩

韓詩外傳七趙王使人於楚鼓瑟而遣之曰慎無失
吾言使者受命伏而不起曰大王鼓瑟未嘗若今日

之悲也王曰調使者曰調則可記其柱王曰不可天
有燥涇粒有緩急柱有推移不可記也使者曰請借
此以喻楚之去趙也千有餘里亦有吉凶之變凶則
弔之吉則賀之猶柱之有推移不可記也故王之使
人必慎其所之而不任以辭詩曰莘莘征夫每懷靡
及蓋傷自上而御下也

喬樅謹案說文及國語晉語並引作莘莘與詩
攷引韓詩同今本外傳引詩作征夫捷捷每懷
靡及則在大雅蒸民矣今本誤也茲從詩攷訂

正

原隰攄矣

補玉篇手部詩曰原隰攄矣攄聚也

喬樅謹案玉篇又云攄本亦作哀今毛詩字作
哀則攄乃韓詩之異文也

夫梭

韓詩序曰夫梭燕兄弟也閔管蔡之失道也
呂氏讀詩記十

七

夫梭之華萼不煒煒凡今之人莫如兄弟

同上

莠文類聚八十九詩曰夫梭燕兄弟也閔管之失道
夫梭之華萼不煒煒凡今之人莫如兄弟

案藝文類聚引詩直作夫棧此必韓詩也呂氏讀詩記引韓詩序夫棧燕兄弟也云云當卽據歐陽率更所引今本藝文類聚不言韓詩序蓋文脫耳

喬樞謹案韓詩序與毛氏同夫棧毛詩作常棣

萼不煒煒毛詩作鄂不韡韡傳云常棣棧

此據釋文

或作本鄂猶鄂鄂然言外發也韡韡光明也是常

棣一名棧卽夫棧也棣有赤白二種說文以棣

爲白棣則棧爲赤棣矣鄂卽萼之段借毛傳言

鄂鄂然外發者取鄂布之意鄭箋云承華者曰

鄂則是以鄂爲花萼用韓詩爲說煒煒亦光明

之貌。華不煒煒以喻兄弟和睦則強盛而有光。
輝說文云：韓韓，盛貌。盛義與光明相成。煒煒，蓋
韓韓之段。伯范氏補傳云：周公遭管蔡之變，因
思文武能燕樂兄弟如此，故作是詩，蓋閔之也。
賓爾遜豆飲酒之醕。

韓詩曰：賓爾遜豆飲酒之醕。能者飲不能者已。謂之

醕。文選六魏都
賦張載注。

韓詩內傳曰：夫飲之禮，不脫履而卽席者，謂之禮。跣
而升堂者，謂之宴。能者飲不能者已。謂之醕。初學記
十四

薛君韓詩章句曰：飲酒之禮，下跣而上坐者，謂之宴。

文選一班固
東都賦注

喬樞謹案賓毛詩作饌饌毛詩作飫傳云飫私
也不脫履升堂者謂之飫段氏玉裁曰傳當作
飫燕私也脫履升堂謂之飫毛謂飫乃饌之畧
借非國語之飫也故足之曰脫履升堂謂之飫
卽韓之跣而上坐謂之宴也宴饌是一事言宴
而饌在其中矣以詩爾雅之飫別國語之飫以
脫履升坐說爾雅之私此毛義也馬瑞辰曰飫
私與立飫當是二義周語王公立飫則有房蒸
親戚宴享則有敝蒸此立飫之禮大於燕者也

飫說文作餼云餼燕食也引詩飲酒之餼又云
醕宴私飲也此用韓詩字醕又通作醕廣韻醕
能者飲不能者止也此飫私之飫與燕異名同
實也立飫以立爲禮飫燕則坐立飫不脫屣而
升堂飫私則跣飫私當以韓詩作醕爲正字角
弓詩如食宜醕毛傳醕飽也據廣韻飫飽厭也
彼醕卽飫之段借此詩又段飫爲醕韓詩亦分
立飫及飫私爲二義其所云不脫屣而卽席者
謂之禮與毛傳云不脫屣升堂謂之飫合此立
飫之禮也又曰跣而升堂謂之宴能者飲不能

者已謂之餽此飫私之義以飫飽爲度者也毛
傳旣曰飫私也又曰不脫屣升堂謂之飫蓋廣
異義不云一曰者消文耳段知飫私非卽立飫
而以毛傳不脫屣升堂不爲衍字其說未確
雖有兄弟不如友生

補三國志曹植疏遠慕鹿鳴君臣之宴中咏常棣匪
他之誠下思伐木友生之義終懷蓼莪罔極之哀
妻子好合如鼓瑟琴兄弟旣翕和樂且耽

韓詩曰耽樂之甚者也

釋文

喬樅謹案耽毛詩作湛耽湛皆堪字之段借說

文姬樂也。姬又作妣。爾雅釋詁：妣，樂也。華嚴經音義上云：聲類，姬作妣。一切經音義四：姬，古文妣同是也。耽字，本義說文訓爲耳大，垂湛字本義說文訓爲沒，皆以音同，段借爲姬樂字。據韓詩云：樂之甚也，則從甚作姬者，爲正妣字。乃其或體耳。

韓詩外傳八：子貢曰：賜欲休於事。兄弟孔子曰：詩云：妻子好合，如鼓瑟琴。兄弟既翕，和樂且耽。爲之若此，其不易也。如之何其休也。

伐木

韓詩序曰伐木廢朋友之道缺勞者歌其事詩人伐

木自苦其事故以爲文

文選廿二謝混遊西池詩注

韓詩曰饑者歌食勞者歌事

初學記十五○御覽五百七十三

喬樅謹案詩攷載文選注引伐木廢云云以爲

韓詩序攷文選注二十二引但云韓詩然據文

選十六閒居賦注引韓詩序曰勞者歌其事足

證伐木廢云云亦爲詩序也此詩毛序云伐木

燕朋友故舊也自天子至于庶人未有不須友

以成者傳於伐木丁丁鳥鳴嚶嚶云興也今據

韓詩言詩人伐木自苦其事故以爲文則是韓

以伐木爲賦與毛傳以伐木爲興者義異箋云
言昔日未居位在農之時與友生於山巖伐木
爲勤苦之事鄭君以此章爲違本文王少時求
友之事蓋據韓詩爲說

相彼鳥矣

薛君韓詩章句曰鳥微物也

文選廿顏延年曲水詩
注○又十三鸚鵡賦注

神之聽之終和且平

韓詩外傳九子夏過曾子曾子曰入食子夏曰不爲
公費乎曾子曰君子有三費飲食不在其中君子有
三樂鍾磬琴瑟不在其中子夏曰敢問三樂曾子曰

有親可畏有君可事有子可遺此一樂也有親可諫
有君可去有子可怒此二樂也有君可喻有友可助
此三樂也子夏曰敢問三費曾子曰少而學長而忘
此一費也事君有功而輕負之此二費也久交友而
中絕之此三費也子夏曰善哉謹身事一言愈於終
身之誦而事一士愈於治萬民之功夫人不可以不
知也吾嘗齒焉吾田期歲不收土莫不然何況於人
乎與人以實雖疎必密與人以虛雖戚必疎夫實之
與實如膠如漆虛之與虛如薄冰之見晝日君子可
不留意哉詩曰神之聽之終和且平

補三國志曹植疏下思伐木友生之義

民之失德乾餱以愆

補馮衍杯銘樂則思舊燕則思懼民之失德乾餱以愆

天保

天保定爾亦孔之固

韓詩外傳六子曰不知命無以爲君子言天之所生皆有仁義禮智順善之心不知天之所以命生則無仁義禮智順善之心無仁義禮智順善之心謂之小人故曰不知命無以爲君子小雅曰天保定爾亦孔

之固言天之所以仁義禮智保定人之甚固也

商樞謹案毛詩叙云天保下報上也鄒忠允據史記武王克商憂天保之未定逸周書云定天保依天寶自洛汭遷於伊汭云云遂疑此詩爲營洛後周召報命而致其祝頌之辭何氏古義卽用其說胡承珙曰案史記周書所云天保不過謂天之保周與詩篇名偶同耳詩前三章皆稱天保者如召誥所云天迪從子保天迪格保也韓詩外傳言天之所以仁義禮智保定人之甚固也其義自精若潛夫論慎微篇作天祿定

爾此乃轉寫字譌何氏列爲異文誤矣

無不爾或承

韓詩章句曰承受也

文選盧
譔詩注

喬樅謹案承毛傳無訓鄭箋云或之言有也如松柏之枝葉常茂盛青青相承無衰落也鄭意是以承訓繼據詩秦風不承權輿傳云承繼也此詩毛義當同與韓詩訓承爲受說異馬瑞辰曰承者引也引者伸也導也坊記承子以授堦言引女以授婿也漢書賈誼傳人主胡不引殷周秦事以觀之也大戴記禮察篇引作承是承

卽引也此總上如月之恒四句而言四如字皆以形容福之久長且盛無不惟爾是引猶第三章以莫不興以莫不增亦總如山如阜之句而言不專以以莫不增承如川之方至也箋以承爲松柏之青青相承失之喬樅謂馬以無不爾或承句總上如月之恒四者其說是已然訓承爲引轉引之訓爲伸取義迂曲不如從韓詩訓受爲善假樂詩言受福無疆桑扈詩言受福不那此詩承上章貽爾多福言之以四者頌美其多福故言無不爾或承儀禮少牢饋食禮曰承

致多暇無疆于女孝孫意亦猶是也

采薇

昔我往矣楊柳依依

韓詩曰昔我往矣楊柳依依○薛君章句曰依依盛

貌又選潘安仁金谷集作詩注○又貌世七謝元暉休沐重還道中詩注

韓詩曰昔始也文釋

喬樅謹案昔字訓始又訓爲終廣雅釋詁云昔始也義本韓詩老子昔之得一者王注亦訓昔爲始呂覽任地孟夏之昔注云昔終也此如爾雅以落訓死又訓始以相反而爲義也依依毛

詩無傳馬瑞辰曰據車華詩依彼平林傳云依木茂貌則依依亦當訓盛與韓詩同依殷古同聲依依猶殷殷亦盛也

出車

既見君子我心則降

韓詩外傳七齊有隱士東郭先生梁石君當曹相國爲齊相也客謂匱生曰夫東郭先生梁石君世之賢也隱於深山終不訕身下志以求仕者也吾聞先生得謁曹相國願先生爲之先臣里母相善婦見疑盜肉其姑去之恨而告於里母里母曰安行今令姑呼

汝卽東蘊請火去婦之家曰吾犬爭肉相殺請火治之姑乃直使人追去婦還之故里母非談說之士東蘊請火非還婦之道也然物有所感事有可適何不爲之先匱生曰愚恐不及然請盡力爲東郭先生梁石君東蘊請火於是乃見曹相國曰臣之里有夫死三日而嫁者有終身不嫁者則自爲娶將何娶焉相國曰吾亦娶其終身不嫁者耳匱生曰齊有隱士東郭先生梁石君世之賢士也隱於深山終不誦身下志以求仕相國娶婦欲娶其不嫁者取臣獨不取其不仕之臣耶於是曹相國因匱生束帛安車迎東郭

先生梁石君厚客之詩曰既見君子我心則降

赫赫南仲

補曹植陳選舉疏夫相者文德昭者也將者武功烈者也文德昭則可以匡國朝叙百揆稷契夔龍是也武功烈則可以征不庭廣邦境南仲方叔是也

杵杜

檀車綏綏

釋文

喬樅謹案毛詩檀車幘幘釋文云幘尺善反又勅丹反敝貌說文云車敝也從巾單韓詩作綏音同陳氏稽古篇曰案說文幘車敝貌昌善切

綖偏緩也尺善切二字音同然則偏緩者正車
倣之狀與廣雅綖綖緩也注綖字因淺治淺二
切義同而音異又玉海載釋文云韓詩作檀車
𨔵𨔵音同恐誤段氏玉裁曰按說文古本當是
幘巾弊貌故從巾詩以爲車弊者則其引申之
義也釋文引說文巾弊也從巾單今本乃巾譌
車殊失陸意馬瑞辰曰說文訓綖爲偏緩義卽
本韓詩又云幘帶緩也幘幘綖古音義同物倣
則緩義正相通

南有嘉魚

嘉賓式宴以衍

御玉篇行部衍樂也詩曰嘉賓式宴以衍

喬樅謹案宴毛詩作燕此所引出韓詩也

蓼蕭

和鸞雍雍

韓詩內傳曰鸞在衡和在軾前升車則馬動馬動則

鸞鳴鸞鳴則和應

禮記經注

皆所以為行節也

荀子正論

韓詩曰在軾曰和在軛曰鸞

讀詩記十八

案鸞和皆以金為鈴

見周禮大聚注干寶同

大戴禮保傳篇

在衡為鸞在軾為和馬動而鸞鳴鸞鳴而和應毛

詩傳曰在軾曰和在鑣曰鸞許氏異義載禮戴詩
毛氏二說謹案云經無明文且殷周或異續漢輿
服志注載白虎通引魯訓曰和設軾者也鸞設衡
者也禮記經解注引韓詩內傳曰鸞在衡和在軾
前鄭注周禮大馭及玉藻皆同此說毛詩秦風駟
鐵輪車鸞鑣箋云置鸞於鑣異於乘車周禮疏謂
鄭以田車鸞在鑣乘車在衡然蓼蕭之和鸞雝雝
亦乘車也毛傳云在鑣曰鸞箋不易之者正義謂
以駟鐵已明之從可知也商頌之八鸞鴈鴈亦乘
車也箋又云鸞在鑣四馬則八鸞正義謂以經無

正文且殷周或異也今攷車制軾者車前橫木也

見漢書李廣傳注引服虔高三尺三寸圍七寸三分寸之一見攷

工記衡者轅前橫木縛輓者也見莊子馬蹄釋文衡下有

兩輓以父馬頸見左傳襄十四年正義引服虔左氏桓二年正義

曰案攷工記輪崇車廣衡長參如一則衡之所容

惟兩服馬耳案此見攷工記與人在賈疏云以騂馬別有軻兩引車故衡惟容服也

詩辭每言八鸞當謂馬有二鸞鸞若在衡衡惟兩

馬安得置八鸞乎以此知鸞必在鑣正義此辨其

明說文第十四上金部鑿解云人君乘車四馬鑣

八鑣鈴象鑣鳥之聲和則敬也許氏異義亦引詩

云八鸞鎗鎗則一馬兩鸞也又曰輜車鸞鑣知非

衡也

續漢典服志注引許慎曰云云不言出異義今以文義定之

然尙存兩疑

於說文則定爲鸞在鑣矣若和之所設諸家皆云

在軾惟韓詩云在軾前軾前則近衡矣服虔杜預

解左氏傳錫鸞和鈴以爲鸞在鑣則和在衡

服虔說見

史記禮書集解

正義謂鸞卽在鑣則和當在衡此兼用韓

毛之說也鑣者爾雅釋器曰鑣謂之鐶郭注馬勒

旁鐵說文鑣馬銜也幘馬纏鑣扇汗也釋名鑣苞

也所以在旁苞欽其口也衛風碩人毛傳曰人君

以朱纏鑣扇汗且以爲飾是鑣與扇汗爲二釋文

一之誤續漢書輿服志乘輿象鑣用象牙赤扇汗
王公列侯朱鑣絳扇汗卿以下有駢者緹扇汗鑣
之飾可見者如此

湛露

悄悄夜飲

韓詩曰悄悄夜飲○薛君曰悄悄和悅之貌也

文選魏都

注賦

喬樅謹案毛詩厭厭夜飲傳云安也釋文引韓
詩作悄悄與文選注合又文選卷十八琴賦注
引亦同三倉云悄悄性和也聲類云悄悄靜貌

也毛詩秦風厭厭良人列女傳引作愔愔良人
此魯詩與毛氏異文也說文厭安也後心厭聲
詩曰厭厭夜飲段氏注云湛露毛傳厭厭安也
釋文及魏都賦注引韓詩作愔愔按愔字見左
傳祈招之詩蓋愔卽厭之或體厭乃愔之段借
馬瑞辰曰魏都賦愔愔醴燕正本韓詩厭愔二
字雙聲故通用厭厭通作愔愔猶載芣詩厭厭
其苗卽稍稍之通借也廣韻稍稍苗美也義本
毛傳集韻稍稍苗齊等
也本段玉裁謂愔卽厭之或體則非也

其桐其椅其實離離

韓詩曰其桐其椅其實離離○章句曰離離長貌初

記二
十八

喬樅謹案毛傳離離垂也垂與長義相成實長則垂故其貌離離然也

蓁蓁者莪

韓詩曰蓁蓁者莪○薛君曰蓁蓁盛貌也文選東都賦注

喬樅謹案毛詩作菁菁集韻一先云萍草貌萍萍者莪李舟說馬瑞辰曰菁蓁以聲近而轉蓁萍古雙聲字故通用據說文菁韭華也蓁草盛貌萍草貌則訓盛貌當以蓁為正字毛詩作菁

菁集韻引作萍萍皆假借字也喬樅謂周南桃
夭詩其葉蓁蓁毛傳云蓁蓁至盛貌訓義與韓
詩合衛風淇奧綠竹菁菁則以菁爲青之段借
此詩菁菁者莪則又以菁爲蓁之段借王逸楚
詞招魂注云蓁蓁積聚之貌積聚亦與盛義同

六月

元戎十乘以先啟行

詩云元戎十乘以先啟行○韓嬰章句曰元戎大戎
謂兵車也車有大戎十乘謂車綬輪馬被甲銜軛之
上蓋有劒戟名曰陷陳之車所以冒突先啟敵家之

行伍也

史記三王世家注

喬樅謹案毛傳云元大也夏后氏曰鉤車先正也般曰寅車先疾也周曰元戎先良也箋云鉤鉤股行曲直有正也寅進也二者及元戎皆可以前啟突敵陳之前行其制之同異未聞傳箋訓義與韓詩章句略同而韓詩所言其制較詳韓言所以冒突先啟敵家之行伍者據左氏宣十二年傳孫叔曰進之甯我薄人無人薄我詩云元戎十乘以先啟行先人也軍志曰先人有奪人之心薄之也是冒突先啟正所謂薄人

故鄭君亦用韓詩義以爲先前啟笑敵陣之前
行也左傳正義云服虔引司馬法謀師篇曰大
前驅啟乘車大晨倅車屬焉大前驅卽所謂元
戎啟乘車與大乘倅車皆爲所屬則是以啟行
爲前驅陣名元戎又居啟行之先與韓詩及鄭
箋以啟行爲突啟敵陣者義異或本之魯齊詩
說歟

采芑

有瑱葱衡

韓詩傳曰佩玉上有葱衡下有雙瑱衡牙螭珠以納

其間

周官玉府注

喬樅謹案周禮玉府注引詩傳賈疏謂是韓詩唐時韓詩尙存語爲可信又晉語注引詩傳曰上有葱紆下有雙璜蓋三家詩傳說並同也大戴禮保傅篇云下車以佩玉爲度上有葱衡下有雙璜衡牙玼珠以納其間琚瑀以雜之蔡邕月令章句云佩上有雙衡下有雙璜琚瑀以雜之衡牙璜珠以納其間是皆以衡璜衡牙爲佩玉之大名其中又有琚瑀雜貫之較韓詩所言尤詳陳氏稽古篇曰毛詩佩玉璆琚傳云佩有

琚瑀所以納問孔疏引說文列女傳玉藻注玉
府注合諸說以推詳佩制大約珩上橫兩璜下
垂銜牙在兩璜中央銜突前後琚瑀則納於衆
玉與珩之間玉藻疏所言亦畧相同而不及琚
瑀皆未若賈公彥玉府疏之詳也玉府疏云注
引詩傳謂韓詩銜橫也謂葱玉爲橫梁下以組
懸於銜之兩頭兩組之末皆有半璧曰璜故曰
雙璜又以一組懸於銜之中央於末著銜牙使
前後觸牙故曰銜牙案毛傳別有琚瑀其琚瑀
所置當於懸銜牙組之中央又以二組穿琚瑀

之內角囊係衡之兩頭組末係於璜螾蚌也蚌珠故曰螾珠納其間者組繩有五皆穿於其間故也賈疏之言佩制較明於孔矣

振旅嗷嗷

補玉篇口部嗷盛聲也詩曰振旅嗷嗷

喬樅謹案玉篇門部又引詩曰振旅闐闐闐闐盛貌或作寘闐闐與毛詩文同此顧氏兼載毛韓異字也餘詳魯詩遺說攷

方叔元老

韓詩曰元長也

玉篇上一部

喬樅謹案毛傳訓元爲大大與長同義易文言
曰元者善之長也故韓詩以元爲長後漢書章
帝紀云爲國元老李賢注曰元長也詩曰方叔
元老卽據韓詩爲解也

克壯其猷

補玉篇士部壯大也詩曰克壯其猷

喬樅謹案毛詩猷作猶三家今文皆作猷字蔡
邕胡公碑云方叔克壯其猷其明證也玉篇所
引詩是據韓家之文

如霆如電

廣韻六脂霆雷也出韓詩

喬樞謹案廣雅霆雷也當卽本韓詩馬瑞辰曰
疑毛詩如霆如雷韓詩或作如霆如霆

車攻

東有圃草駕言行狩

韓詩曰東有圃草駕言行狩

後漢書馬融傳注

○薛君曰圃

博也有博大茂草也

文選東都賦注○後漢書馬融傳注

喬樞謹案毛詩作東有甫草傳曰甫大也箋云
甫草者甫田之草也鄭有甫田正義以鄭爲易
傳胡承珙曰此箋乃申傳非易傳也經但言甫

草故傳頌謂甫爲大文選注後漢書注並引韓
詩作圃草薛君章句曰圃博也有博大茂草也
蓋圃市古字通薛注義與毛同然博大茂草之
處必係藪澤周語云藪有圃草韋注亦云圃大也故箋
引爾雅鄭有圃田以申成傳義意以鄭之圃田
正以廣大有草得名也水經注謂圃田澤多麻
黃草並引述征記以爲甫草之證則鑿矣

韓內傳曰春日畋夏曰狝秋曰獮冬曰狩天子抗大
綏諸侯小綏羣小獻禽其下天子親射之旃門夫田
獵因以講道習武簡兵也太平御覽八百三十一

喬樅謹案蒐苗獮狩之法具載周禮而經說各不同爾雅曰春獮爲蒐夏獮爲苗秋獮爲獮冬獮爲狩左氏傳曰春蒐夏苗秋獮冬狩皆於農隙以講事也穀梁傳曰四時之田皆爲宗廟之事也春曰田夏曰苗秋曰蒐冬曰狩公羊傳曰春曰苗秋曰蒐冬曰狩公羊闕夏田之名禮記疏引何休云春秋運斗樞曰夏不田穀梁有夏田於義爲短鄭君云四時皆田夏殷之禮詩云之子于苗選徒籌籌夏田明矣如鄭所言夏殷皆以時田獮周田因二代之制也今據韓詩說

與爾雅及三傳又異蓋所聞異詞各守其師說耳春謂之田者春秋正義引白虎通云春歲之本舉本名而言之也夏謂之搜者韋昭國語注云搜擇也鄭注周禮夏田謂擇取不孕者是也秋謂之獮者爾雅釋詁云獮殺也說文作獮云秋田也或作祿宗廟之田也杜預左傳注云以殺爲名順秋氣也冬謂之狩者李巡爾雅注曰圍守取之無所擇也天子抗大綬以下皆言冬狩之事旃門者旃門也周禮大司馬曰中冬遂以狩田以旌爲左右和之門羣吏各帥其車徒

以叙和出左右陳車徒有司平之旗居卒間以
分地前後有屯百步有司巡其前後險野人爲
主易野車爲主旣陳乃設驅逆之車有司表貉
於陳前中軍以鼙令鼓鼓人皆三鼓羣司馬振
鐸車徒皆作遂鼓行徒銜板而進大獸公之小
禽私之獲者取左耳又穀梁昭八年傳曰蒐狩
以習用戎事禮之大者也艾蘭以爲防置旃以
爲轅門禽雖多天子取三十焉其餘與士衆射
於射宮射而中田不得禽則得禽田得禽而射
不中則不得禽是以知貴仁義而賤勇力也韓

詩所言簡兵習武講道是其事矣

四牡奕奕

薛君章句曰奕奕盛貌

文選廿三謝惠連秋懷詩注

喬樅謹案奕奕毛詩傳箋皆無訓釋正義以爲四牡之馬奕奕然閑習也韓以諸侯皆來會故以盛言之說文云鸞鸞馬行疾而徐也引詩四牡鸞鸞行疾而徐亦閑習之貌馬瑞辰曰鸞與奕古聲近蓋卽此詩奕奕之異文

決拾旣飲

補玉篇手部詩曰決拾旣飲拾所以引弦也

喬樅謹案毛傳云拾遺也此云拾所以引弦蓋用韓詩說

助我舉掌

補玉篇手部詩曰助我舉掌掌積也

喬樅謹案掌毛詩作柴是古文之假借魯詩作𦵏是今文之正字玉篇所引据韓詩異文掌與𦵏亦通假字也

展也大成

補後漢書桓帝紀梁太后詔曰展也大成則所望矣

吉日

駟駟駟或羣或友

韓詩曰駟駟俟俟或羣或友

後漢書馬融傳注

薛君章句曰

趨曰駟行曰駟

文選西京賦注

喬樅謹案據文選西京賦李善注引薛君韓詩章句作駟駟則後漢書注引韓詩當作駟駟駟駟今本作俟俟者誤毛詩儻儻俟俟傳云趨則儻儻行則俟俟與韓詩文異而義同馬瑞辰曰說文儻行貌駟馬行伋伋也駟與俟音義同說文俟字注又引詩曰伋伋俟俟蓋韓詩作駟駟者段借字作駟駟者正字毛詩作儻儻者正字

作俛俛者段借字也廣雅儻儻行也駉駉走也
蓋兼取毛韓詩儻駉二字雙聲故通用廣雅又
曰伾伾衆也此釋魯頌以車伾伾釋文云字林
作駉亦通用喬樅謂儻儻乃駉駉之段借馬以
毛詩作儻儻者爲正字韓詩作駉駉者爲段借
其說非是玉篇馬部云駉駉字同駉駉走貌楚
詞招魂逐人駉駉些王逸注云駉駉走貌也言
其走捷疾西京賦曰羣獸駉駉廣韻云駉駉獸
行貌當從韓詩爲正

且以酌醴

薛君曰醴甜而不泚也

文選南都賦注

爾雅謹案周禮酒正三曰醴齊注云酏猶醴也成而汁滓相將如今恬酒矣呂覽重已篇其爲飲食醴醴也高誘注云醴者以麴與黍相醴不以鞠也濁而甜耳釋名釋飲食曰醴禮也釀之一宿而成禮有酒味而已也漢書楚元王傳常爲穆生設醴注云醴甘酒也蓋醴謂酒之不泚者酒止五齊自醴以上尤濁其用之祭祀必以茅泚之然後可酌故司尊彝曰醴齊縮酌包泛齊而言也自盎以下差清但以清酒泚之而不

用茅故司尊彝曰盞齊況酌該緹齊沈齊而言
也醴又入於六飲者以其甜於餘齊且不沸之
故與漿醕爲類耳

韓詩遺說攷卷第三 (三之一)

福州陳壽祺學

男喬樞述

韓詩小雅二

鴻雁

劬勞于野

韓詩曰劬數也

釋文○衆經音義二十三

喬樞謹案毛傳訓劬勞爲病苦與韓詩異義廣雅釋詁三劬數也卽本韓詩訓義劬得爲數者勞與勤同義爾雅釋詁劬勞病也勤勞也數亦勤之意數勞則病苦故韓詩以劬爲數毛傳以

劬勞爲病苦也

百堵皆作

韓詩說曰八尺爲板五板爲堵五堵爲雉

正義引異義

案左傳隱元年正義引許慎五經異義戴禮及韓詩說八尺爲板五尺爲堵五堵爲雉板廣二尺積高五板爲一丈五堵爲雉雉長四丈古周禮及左氏說一丈爲板廣二尺五板爲堵一堵之牆長丈高丈三堵爲雉一雉之牆長三丈高一丈以度其長者用其長度其高者用其高也攷公羊定公十二年傳雉者何五板而堵五堵而雉百雉而城何

休解詁八尺曰板堵凡四十尺雉二百尺百雉二萬尺凡周十一里三十三步二尺公侯之制禮天子千雉蓋受百雉之城十伯七十雉子男五十雉疏云公侯方百雉春秋說文古者六尺爲步三百步爲里計一里有千八百尺十里卽有萬八千尺更以一里三十三步二尺爲二千尺通前爲二萬尺也故云二萬尺凡周十一里三十二步二尺也云禮天子千雉伯七十雉子男五十雉者春秋說文據此公羊說雉制與韓詩說合何氏據春秋緯以公侯百雉二萬尺則爲三千三百三十三步二

尺伯七十雉萬四千尺則爲二千三百三十三步
二尺子男五十雉萬尺則爲一千六百六十六步
四尺與鄭駁異義言五百步爲百雉不同鄭云古
之雉制書傳各不得其詳今以左氏說鄭伯之城
方五里積千五百步也大都參國之一則五百步
也五百步爲百雉則知雉五步五步於度長三丈
則雉長三丈也雉之度量於是定可知矣此詩毛
傳與左氏說同惟傳以一丈爲板而箋據春秋公
羊傳五堵爲雉雉長三丈則板六尺與何休據韓
詩言八尺爲板者立說各異耳

汚水

我友敬矣謔言其興

韓詩曰謔言緣閒而起

文選五十范蔚宗宦者傳論注

案詩攷引如此今本汲古閣文選注韓誤作地

韓詩外傳七傳曰鳥之美羽句喙者鳥畏之魚之侈口垂腴者魚畏之人之利口贍辭者人畏之是以君子避三端避文士之筆端避武士之鋒端避辯士之舌端詩曰我友敬矣謔言其興

鶴鳴

鶴鳴于九臯聲聞于天

韓詩曰九臯言九折之澤也

釋文○廣韻二

韓詩外傳七孔子困於陳蔡之間卽三經之席七日不食藜羹不糝弟子有饑色讀書習禮樂不休子路進諫曰爲善者天報之以福爲不善者天報之以禍今夫子積德聚仁爲善久矣意者尚有遺行乎奚居之隱也孔子曰由來汝小人也未講於論也居吾語女子以知者爲無罪乎則王子比干何爲刳心而死子以義者爲聽乎則伍子胥何爲抉目而懸吳東門子以廉者爲用乎則伯夷叔齊何爲餓於首陽之山子以忠者爲用乎則鮑叔何爲而不用葉公子高終

身不仕鮑焦抱木而泣子推登山而燔故君子博學
深謀不過時者衆矣豈獨某哉賢不肖者材也遇不
遇者時也今無有時賢安所用哉故虞舜耕於歷山
之陽立爲天子其遇堯也傳說負土而版築以爲大
夫其遇武丁也伊尹故有莘氏僮也負鼎操俎調五
味而立爲相其遇湯也呂望行年五十賣食棘津年
七十屠於朝歌九十乃爲天子師則遇文王也管夷
吾束縛自檻車以爲仲父則遇齊桓公也百里奚自
賣五羊之皮爲秦伯牧牛舉爲大夫則遇秦穆公也
虞卬子名聞於天下以爲令尹讓於孫叔敖則遇楚

莊王也伍子胥前功多後戮死非知有盛衰也前遇
闔閭後遇夫差也夫驥罷鹽車此非無形容也莫知
之也使驥不得伯樂安得千里之足造父亦無千里
之手矣夫蘭茝生於茂林之中深山之間不以人莫
見之故不芬夫學者非爲通也爲窮而不憂困而志
不衰先知禍福之始而心無惑焉故聖人隱居深念
獨聞獨見夫舜亦賢聖矣南面而治天下惟其遇堯
也使舜居桀紂之世能自免於刑戮之中則爲善矣
亦何位之有桀殺關龍逢紂殺王子比干當此之時
豈關龍逢無知而王子比干不慧乎哉此皆不過時

也故君子務學修身端行而須其時者也子無惑焉
詩曰鶴鳴于九皋聲聞于天

喬樅謹案意者尙有遺行乎本譌脫作意者當
遺乎今據文選對楚王問及辨命論兩注所引
校正又虞邱子名聞於天下舊作虞邱於天下
文有脫佚攷說苑雜言篇云沈尹名聞天下以
爲令尹讓於孫叔敖據外傳二載沈令尹進孫
叔敖事列女傳賢明篇及新序一沈令尹並作
虞邱子則虞邱子當卽沈令尹之號今依說苑
文增改

祈父

祈父維王之爪牙

補玉篇牙部牙牡齒也詩曰祈父維王之爪牙

喬樅謹案毛詩作祈父予王之爪牙此所引予字作維與毛氏文異是據韓詩之異字

有母之尸雍

韓詩外傳七曾子曰往而不可還者親也至而不可加者年也是故孝子欲養而親不待也木欲直而時不待也是故椎牛而祭墓不如雞豚之逮親存故吾嘗仕齊爲吏祿不過鍾釜尙猶欣欣而喜者非以爲

多也樂其逮親也既沒之後吾嘗南遊於楚得尊官
焉堂高九仞棧題三圍轉轂百乘猶北鄉而泣涕者
非爲賤也悲不逮吾親也故家貧親老不擇官而仕
若夫信其志約其親者非孝也詩曰有母之尸雍
五經異義曰詩曰有母之尸襄謂陳襄以祭恐養不
及親毛詩正義

案許君異義與外傳說合本韓詩也

白駒

皎皎白駒在彼穹谷

韓詩曰皎皎白駒在彼穹谷○薛君章句曰穹谷深

谷也

文選一班固西都賦注○又廿八陸機苦寒行詩注

喬樅謹案惠氏棟云韓人爲臯陶穹者三之一

鄭司農云穹讀爲志無空邪之空是古穹與空同喬樅謂毛詩在彼空谷傳云大也雖訓與韓異而皆以空爲穹之段借爾雅釋詁穹大也可證又節南山詩不宜空我師傳訓空爲窮攷說文穹窮也是毛傳空窮之訓亦以空爲穹之段

借字

補曹植釋思賦曰彼朋友之離別猶求思乎白駒文

類聚二

十一

喬樅謹案蔡邕琴操以白駒詩爲失朋友之所
作此魯說也今据曹植賦云云是韓詩說亦與
魯同攷文選王粲贈士孫文始詩曰白駒遠志
古人所箴允矣君子不遐厥心既往既來無密
爾音又曹攄思友人詩曰思賢咏白駒皆用韓
詩之義

斯干

栝之橐橐

補玉篇木部栝擊也詩曰栝之橐橐

喬樅謹案栝字毛傳無訓鄭箋云栝謂搗土也

玉篇訓柶爲擊引詩柶之橐橐爲証是用韓義如企斯翼

補玉篇人部企舉踵也詩云如企斯翼

喬樅謹案玉篇又云企古文企攷毛詩企字作跂傳云如人之跂疎翼爾釋文云跂音企此引作企者韓詩之異字說文云企舉踵也是企與跂音義竝同

如矢斯柶

玉篇木部韓詩云如矢斯柶柶木理也

韓詩曰柶隅也

釋文

喬樅謹案說文木部云杛木之理也从木力聲
段氏注曰毛詩如矢斯棘韓詩作杛毛曰棘棧
廉也韓詩曰杛隅也學者皆不解及觀抑詩惟
德之隅毛曰隅廉也箋申之云如宮室之制內
有繩直則外有廉隅然後知斯干詩謂如矢之
正直而外有廉隅也韓杛爲正字毛棘爲段借
字如矢之直則得其理而廉隅整飭矣毛韓辭
異而意一也馬瑞辰曰棘之通杛猶馬勒通作
棘水經注棘門謂之力門也

如鳥斯翔

韓詩曰翹翅也

文釋

喬樅謹案詩攷引作翹今本或作勒勒字乃翹字之譌耳說文云翹翅也正用韓詩廣雅釋詁云翹翼也此用韓詩之文而訓從毛傳毛詩作草乃以草爲翹之消借故訓爲翼翼卽翅也毛與韓雖字異而訓義則同釋文云草如字失毛意矣

下莞上簟

補玉篇艸部莞似蒲而圓可爲席詩曰下莞上簟

喬樅謹案毛傳云莞小蒲之席也與此訓異玉

篇所引是用韓詩說

乃生男子

韓詩內傳曰男子生以乘弧蓬矢六射天地四方明

當有事天地四方也

文選廿九稟道彥雜詩注

載衣之禘

毛詩釋文禘韓詩作禘

韓詩翼要曰禘示之方也

詩正義引侯包

喬樅謹案毛傳訓禘爲祿箋云祿夜衣也此毛

以禘爲禘之段借禘說文作禘云祿也引詩曰

載衣之禘許所引詩卽韓詩也禘者禘之消文

耳詩正義引侯包云云明襦制方令女子方正
事人之道釋文云齊人名小兒被爲希玉篇云
襦襦也襦小兒衣也又云襦襦負兒衣也織縷
爲之廣八寸長二尺以負兒於背上也則希之
製蓋方而長也胡承珙曰史記趙世家集解引
徐廣孟康注漢書宣帝紀皆以襦爲小兒被古
者衣被通稱廣雅襦謂之襦王氏疏證云論語
謂被爲寢衣是也文選稽康幽憤詩注引韋昭
云襦若今小兒腹衣腹衣蓋今俗兜子亦被之
類而稍別焉者也

無羊

或寢或譌

韓詩曰譌覺也

文釋

喬樅謹案譌毛詩作訛傳云訛動也攷說文譌
譌言也引詩曰民之譌言又叱動也引詩曰尙
寐無叱動卽覺之意則此詩或寢或譌當作叱
爲正譌古訛字見漢書江充傳集注又一切經
音義十二云訛古文譌叱三形同蓋皆以聲
近通用尙書堯典平秩南訛史記五帝紀作便
程南譌爾雅釋詁動也釋文云訛字又作叱

亦作譌同是其證也

節

節彼南山

韓詩曰節視也

喬樅謹案毛傳云節高峻貌與韓訓異釋文節音截是毛詩以節爲截之段借韓訓節爲視者節有省義消節爲省省視亦爲省故節得訓視詩下文云赫赫師尹民具爾瞻故韓以節爲視與下文相應也

憂心如焚

毛詩釋文惓韓詩作炎

喬樅謹案毛詩釋文惓徒監反又音炎燔也韓詩作炎字書作焱說文作𤇀字才廉反小藝也攷說文心部云惓憂也引詩憂心如惓段氏注謂說文引詩釋惓從炎之義當作憂心如炎雲漢如惓如焚亦如炎之誤又說文火部云𤇀小藝也詩曰憂心如𤇀段氏注云節南山憂心如惓古本毛詩作如𤇀故毛傳云𤇀燔也如𤇀各本作𤇀𤇀誤說文干部曰入一爲干入二爲𤇀𤇀讀若飪𤇀从𤇀聲古音在七部郭璞曹憲音

滄入鹽韻則直廉切今各書皆譌作天矣

何用不監

韓詩曰監領也

釋文

喬樅謹案毛傳云監視也與韓詩異胡承珙曰

監者臨也臨莅有治義

華嚴經音義引國語賈注云臨治也

領亦

治也禮記樂記仲尼燕居注竝云領猶治然則

韓詩訓監爲領猶訓監爲臨義取理治其旨亦

與毛傳相近

俾民不迷

韓詩外傳三孔子曰詩曰俾民不迷昔之君子道其

百姓不使迷是以威厲而刑措不用也故形其仁義
諱其教道使民目晰焉而見之使民耳晰焉而聞之
使民心晰焉而知之則道不迷而民志不惑矣

昊天不庸

韓詩曰庸易也

釋文

喬樅謹案毛詩作傭傳云傭均也箋云尹氏爲
政不均平攷爾雅釋詁平均並訓爲易易謂平
易是韓與毛義亦相同胡承珙曰韓義與九章
昊天不平謂昊天以尹氏爲不平也馬瑞辰曰
說文傭均也直也庸卽傭之消晉書元帝紀引

詩昊天不融蓋本齊魯詩融亦傭之同音段借

薛君韓詩章句曰萬人圍圍仰天告愬

文選四十任助百辟勸進

賡注又五十九沈約齊安陸昭王碑文注

喬樅謹案鄭箋釋不弔昊天不宜空我師云不善乎昊天愬之也不宜使此人居尊官困窮我之衆民也此詩屢言昊天如昊天不庸昊天不惠昊天不平不弔昊天亂靡有定皆呼天而愬之詞薛君章句云云蓋卽釋此詩也

憂心如醒

補曹植應詔詩憂心如醒

威蹙靡所騁

薛君韓詩章句曰騁馳也

文選登樓賦注○又卷九射雉賦注卷廿一左思詠

史詩注

喬樅謹案毛傳云騁極也鄭箋云雖欲馳騁無所之也正義曰箋言馳騁無所極至是與傳同但傳文畧耳然則毛傳訓騁爲極蓋釋詩威蹙靡騁之意韓詩祇據騁之本義爲訓故云馳也

正月

憂心京京

補後漢書質帝紀梁太后詔曰憂心京京

瞻彼中林侯薪侯蒸

韓詩外傳七傳曰齊景公問晏子爲人何患晏子對曰患夫社鼠景公曰何謂社鼠晏子曰社鼠出竊於外入託於社灌之恐壞墻燠之恐燒木此鼠之患今君之左右出則賣君以要利入則託君不罪乎亂法君又并覆而育之此社鼠之患也景公曰嗚呼豈其然人有市酒而甚美者置表甚長然至酒酸而不售問里人其故里人曰公之狗甚猛而人有持斃而欲往者狗輒迎而齧之是以酒酸不售也士欲白萬乘之主用事者迎而齧之亦國之惡狗也左右者爲社

鼠用事者爲惡狗此國之大患也詩曰瞻彼中林侯
薪侯燕言朝廷皆小人也

喬樅謹案毛傳云薪燕言似而非鄭箋云喻朝
廷宜有賢者而但聚小人義皆與韓詩同

視天夢夢

韓詩曰夢夢惡貌也

釋文

喬樅謹案爾雅釋詁夢夢亂也說文夢不明也
亂與不明皆惡之貌也

謂天蓋高不敢不踣謂地蓋厚不敢不踣

補曹植卞太后誄踣天踣地祗畏神明

赫赫宗周褒姒威之

補吳越春秋五賢士國之寶美女國之咎夏亡以妹
喜殷亡以姐已周亡以褒姒

速速方穀

喬樞謹案詩攷據後漢書蔡邕傳注載韓詩作
速速方穀謂小人乘寵方穀而行也盧氏文弨
云按章懷先引毛詩速速方穀及傳箋云云然
後云韓詩亦同謂與毛鄭之說同作穀也下云
此作穀者蓋謂小人乘寵方穀而行乃章懷釋
邕之文故用此字蓋字王氏不審乃遂以爲韓

詩之說誤矣

十月之交

四國無政不用其良

韓詩外傳五君者民之源也源清則流清源濁則流濁故有社稷者不能愛其民而求民親已愛已不可得也民不親不愛而求爲已用爲已死不可得也已弗爲用弗爲死而求兵之勁城之固不可得也兵不勁城不固而欲不危削滅亡不可得也夫危削滅亡之情皆積於此而求安樂是聞不亦難乎是枉生者也悲夫枉生者不須時而滅亡矣故人主欲強固安

樂莫若反已欲附下一民則莫若反之政欲修政美俗則莫若求其人彼其人者生今之世而志乎古之世以天下之王公莫之好也而是子獨好之以民莫之爲也而是子獨爲之也抑好之者貧爲之者窮而是子猶爲之而無是須臾怠焉差焉獨明夫先王所以得之者所以失之者知國之安危臧否若別黑白則是其人也人主欲強固安樂則莫若與其人用之巨用之則天下爲一諸侯爲臣小用之則威行鄰國莫之能御若殷之用伊尹周之遇太公可謂巨用之矣齊之用管仲楚之用孫叔敖可謂小用之矣巨用

之者如彼小用之者如此也故曰粹而王駁而霸無
一而凶詩曰四國無政不用其良不用其良臣而不
亡者未之有也

喬樅謹案好之者貧句本皆脫佚今據荀子君
道篇補入

百川沸騰

補玉篇水部詩曰百川沸騰水上涌也

喬樅謹案騰毛詩作騰是古文之假借玉篇所
引據韓詩之文故與毛字異

繁惟司徒

釋文

〔毛詩釋文〕番韓詩作繁

喬樅謹案繁毛詩作番齊詩又作皮顧氏炎武云番音波儀禮皮樹中今文皮爲繁漢書繁延壽繁音婆按此則番繁皮皆以音同通用

抑此皇父

韓詩曰抑意也

釋文

喬樅謹案毛詩箋云抑之言噫也噫是皇父疾而呼之噫意亦同聲也宋綿初云戴何大書故論語抑與之與漢石經作意與之與大戴禮武王問師尙父曰黃帝顓頊之道存乎意亦忽不

可得見與後漢書隗囂問班彪曰抑者縱橫之事復起於今乎蓋抑意一聲之轉也

胡爲我作不卽我謀

韓詩外傳七昔者司城子罕相宋謂宋君曰夫國家之安危百姓之治亂在君之行夫爵賞賜與人之所好也君自行之殺戮刑罰民之所惡也臣請當之君曰善寡人當其美子受其惡寡人自知不爲諸侯笑矣國人知殺戮之刑專在子罕也大臣親之百姓畏之居不期年子罕遂去宋君而專其政故老子曰魚不可脫於淵國之利歸不可以示人詩曰胡爲我作

不卽我謀

喬樅謹案舊本爵下衍祿字與譌作舉趙懷玉
曰案韓非外儲說作慶賞賜予淮南道應訓作
爵賞賜予今据刪正

不愁遺一老

韓詩曰愁閭也

釋文

喬樅謹案惠氏左傳補注云昭十一年經會於
厥愁釋文魚斬反徐五巾反案公羊作屈銀是
愁讀爲銀徐音是也說文云愁从心𦣻聲又云
𦣻从犬來聲讀又若銀是古音皆以愁爲銀據

此知韓詩愁閭之訓亦以音同轉注也喬樅又案說文愁下注曰冑也敬謹也一曰說也一曰且也引春秋傳曰昊天不愁又閭下注曰和說而諍也玉篇曰閭和敬貌和敬之訓與敬謹義同和說之訓與說義同故愁字得與閭通假此詩之閭當與愁同爲且辭

無罪無辜說口格啓

〔毛詩釋文〕囂囂韓詩作啓啓

喬樅謹案啓啓爾雅作瞽瞽潛夫論引詩作敖敖啓啓字通敖卽啓之省劉向引詩作啓啓與

韓詩文同毛詩鄭箋云嚶嚶衆多貌說文品部
嚶聲也品爲衆口故有衆多之義又口部啓衆
口愁也又言部啓不省人言也是此詩譏口嚶
嚶當以嚶字爲正鴻雁詩哀鳴啓啓當以啓字
爲正板詩聽我嚶嚶傳云猶啓啓也當以啓字
爲正然經傳每多通假故韓詩譏口嚶嚶段啓
爲之而舍人爾雅注云啓啓衆口毀人之貌又
段啓爲之也

補馮衍與任武達書曰無罪無辜譏口嗷嗷

後漢書
本傳注

四方有茨我獨居憂民莫不穀我獨不敢休

韓詩外傳七衛懿公之時有臣曰宏演者受命而使
未反狄人攻衛於是懿公欲興師迎之其民皆曰君
之所貴而有祿位者鶴也所愛者宮人也亦使鶴與
宮人戰余安能戰遂潰而皆去狄人至攻懿公於熒
澤殺之盡食其肉獨舍其肝宏演至報使於肝辭畢
呼天而號哀止曰若臣者獨死可耳於是遂自剗出
腹實納懿公之肝乃死桓公聞之曰衛之亡也以無
道也今有臣若此不可不存於是復立衛於楚邱如
宏演可謂忠士矣殺身以提其君非徒提其君又令
衛之宗廟復立祭祀不絕可謂有大功矣詩曰四方

有羨我獨居憂民莫不穀我獨不敢休

喬樅謹案荀子忠廉篇亦載此事惟捷字作徇

下文同

悠悠我癯

補玉篇广部癯病也詩云悠悠我癯

喬樅謹案癯毛詩作里毛傳云里病也鄭箋云居也鄭義與毛異毛蓋以里爲癯之段借玉篇所引是韓詩之文訓義與毛傳同

雨無正

喬樅謹案王氏詩攷載韓詩作雨無極正大夫

刺幽王也引劉安世曰嘗讀韓詩篇首有雨無
其極傷我稼穡二句朱子集傳駁之以爲出好
事者之附會呂記又引董氏曰韓詩作雨無政
正大夫刺幽王也章句曰無衆也書曰庶草繁
蕪說文曰蕪豐也則雨衆多者其爲政令不得
一也故爲正大夫之刺胡承珙曰董氏謂薛君
章句讀無爲蕪似非盡妄雨蕪政者蓋謂政亂
如雨之蕪薛君以衆訓無則韓義與毛序畧近
惟謂正大夫之刺則篇中明有正大夫離居莫
知我勩之語對彼言我其不作於正大夫明矣

喬樞謂毛叙云雨無正大夫刺幽王也雨自上
下者也衆多如雨而非所以爲政也則正卽政
字韓詩作雨無政釐語尙爲可信十月之交至
小宛四篇毛叙皆爲刺幽王鄭箋云當爲刺厲
王作訓詁傳時移其篇第因改之耳正義曰毛
詩爲毛公所移四篇容可在此今韓詩亦在此
者齊韓之徒非有壁中舊本可據或見毛次於
此故因之孔氏作正義時韓詩尙存如韓詩作
雨無極且篇首多雨無其極二句正義何得無
一語及之劉安世說之爲譌妄此不待辨而明

據正義言韓詩篇第與毛同則十月之交及雨無正以下三篇韓詩皆爲大夫刺幽王可知竊意韓詩作雨無政其正字乃政之音讀後人轉寫誤入正文耳

若此無罪薰胥以痛

韓詩曰薰帥也胥相也痛病也言此無罪之人而使有罪者相帥而病之是其大甚

後漢書蔡邕傳注

喬樅謹案漢書叙傳薰胥以刑注晉灼曰齊魯韓詩作薰薰帥也從人得罪相坐之刑也顏帥古曰韓詩淪字作薰薰者謂相薰蒸亦漸及之

義耳

小閔

謀猶回駮

文釋

韓詩曰謀猷回次○薛君章句曰回次邪僻也

文選西征

賦注○又十四班固幽通賦注

韓詩曰駮僻也

文釋

喬樅謹案幽通賦注引韓詩作回次此順班固文而改耳當从釋文作駮字文選西征賦李善注引薛君章句回邪僻也回下當脫沈字坊毛傳云回邪適僻又幽通賦注引曹大家曰回邪

也穴僻也皆以邪釋回以僻釋穴是其證也次
穴鴝皆通字之假借說文通回避也胡承珙謂
避當依韻會作辟辟謂邪僻也馬瑞辰曰古通
讀如穴故通作歛與沈猶毛詩歛彼晨風韓詩
作鴝也

淪淪訛訛

韓詩曰淪淪訛訛不善之貌

釋文

喬樅謹案毛傳云淪淪然患其上訛訛然不思
舊二字誤倒作思不稱乎上是二者皆爲不善
據正義及說文訂正之貌馬瑞辰曰方言翕熾也廣雅同則淪蓋讀

如翁郭璞注爾雅云姦黨熾正釋翁翁二字正義以淪淪爲小人之勢是作威福也訛或作訾說文訾不思稱意也義本毛傳據召緡詩皐皐訛訛傳云訛竊不供事也說文訾竊也竊嬾也則訛蓋讀如訾陳奐曰淪淪有疆禦之義毛傳云患其上者謂與上爲患也訛訛有病弱之義史記貨殖傳訾竊偷生晉灼曰訾病也漢書地理志注引應劭曰訾弱也毛傳云不思稱乎上言不思報稱乎上也皆謂臣下不供職事故韓詩云淪淪訛訛不善之貌也

謀夫孔多是用不就

韓詩外傳六晉平公游於河而樂曰安得賢士與之
樂此也船人盍胥跪而對曰王君亦不好士耳夫珠
出於江海玉出於崑山無足而至者由王君之好也
士有足而不至者蓋王君無好士之意耳無患乎無
士也平公曰吾食客門左千人門右千人朝食不足
夕收市賦夕食不足朝收市賦吾可謂不好士乎蓋
胥對曰夫鴻鵠一舉千里所恃者六翮爾背上之毛
腹下之毳益一把飛不爲加高損一把飛不爲加下
今君之食客門左門右各千人亦有六翮在其中矣

將皆背上之毛腹下之毳耶詩曰謀夫孔多是用不就

喬樅謹案就毛詩作集傳云集就也詩攷引外傳不就而今本仍作集誤蓋胥藝文類聚九十引韓詩外傳作蓋胥李善文選注凡四引外傳亦並作蓋胥蓋古通蓋姓見廣韻注胥其名也

民雖靡朮

韓詩曰靡朮猶無幾何也

釋文

喬樅謹案朮毛詩作撫撫朮古通用字鄭箋訓

廡爲法與上文訓止爲禮同意是以廡爲模之
假借與韓毛義異正義引王肅述毛讀廡爲幪
幪大也無大有人言少也國雖小民雖少猶有
此六事喬樞謂王肅以廡言少義卽本於韓
詩然讀廡爲幪則未爲得也毛傳於國雖廡止
言小也是以止訓大馬瑞辰曰抑詩傳止至也爾雅旺大也釋文旺本又作至易至哉坤元猶言大哉乾元止與至同義故亦訓爲大則此句民雖廡
以廡爲盛多貌胡承珙據詩大雅縣周原廡廡
文選魏都賦注引韓詩亦作廡倍二十八年左

傳原田每每每亦與腓同每之義爲草盛上出
是膴膴每皆盛多之義其說良踴馬瑞辰泥巧
言篇毛傳膴大也謂膴膴字同毛義當訓大並
謂韓詩亦以膴爲大胥失之矣

不敢暴虎不敢馮河

補後漢書鄧曄上書曰暴虎馮河未至之戒誠小臣
所竊憂也

小宛

翰飛厲天

韓詩曰翰飛厲天○薛君章句曰厲附也

文選西
都賦注

喬樅謹案屬毛詩作戾傳云戾至也文與韓異
而至附義仍相近附卽傳也堯柳篇曰有鳥高
飛亦傳于天是已

載飛載鳴

補曹植魏德論謳載飛載鳴

我日斯邁而月斯征夙興夜寐無忝爾所生

韓詩外傳八昨日何生今日何成必念歸厚必念治
生日慎一日完如金城詩曰我日斯邁而月斯征夙
興夜寐無忝爾所生

哀我殄寡

韓詩曰疹苦也

釋文

喬樅謹案疹毛詩作填傳云填盡也與韓文異
胡承珙曰古从真从今之字互相假借毛傳訓
填爲盡蓋以填爲疹之假借贍卽邦國殄瘁傳
云殄盡也韓詩作疹者疹乃籀文疹字疹脣瘍
也非其義蓋以疹爲瘕之假借說文瘕病也雲
漢召閔箋竝云瘕病也雲漢釋文瘕韓詩亦作
疹喬樅謂古以病苦互訓呂覽權勲篇貴卒篇
注並云苦病也廣雅釋詁病苦也苦窮也然則
韓詩疹苦之訓其義當爲窮苦猶毛詩填盡之

訓其義亦爲窮盡故鄭箋云可哀哉我窮盡寡財之人仍有獄訟之事無可以自救也

宜犴宜獄

韓詩曰鄉亭之繫曰犴朝廷曰獄

釋文○初學記二十

喬樅謹案犴毛詩作岸傳云訟也此古文以岸爲犴之假借說文犴或从犬作犴引詩宜犴宜獄據韓詩文也胡承珙曰犴獄字皆從犬取犬所以守之意毛傳訓岸爲訟者訟爲訟繫獄則獄成故韓詩以鄉亭朝廷分屬之馬瑞辰曰詩二宜字皆且字形近之譌故鄭箋以仍字釋之

說文且薦也爾雅釋言荐再也小爾雅仍再也
薦重也荐薦同音通用訓且爲仍猶說文訓且
爲薦也箋仍得曰宜本蓋作仍得曰且云仍有
獄訟之事猶云且有獄訟之事也宜且二字形
近易譌假樂詩宜君宜王釋文本作且君且王
爲趙壹詩且公且侯所本而正義本及釋文所
引一本皆作宜君宜王與此詩且譌爲宜正同
賴有箋說可正其誤若經本作宜則箋不得訓
爲仍矣

溫溫恭人如集于木惴惴小心如臨于谷戰戰兢兢如

履薄冰

韓詩外傳七孫叔敖遇狐邱丈人狐邱丈人曰僕聞之有三利必有三患子知之乎孫叔敖蹵然易容曰小子不敏何足以知之敢問何謂三利何謂三患丈人曰夫爵高者人妬之官大者主惡之祿厚者怨歸之此之謂也孫叔敖曰不然吾爵益高吾志益下吾官益大吾心益小吾祿益厚吾施益博可以免於患乎狐邱丈人曰善哉言乎堯舜其猶病諸詩曰溫溫恭人如集于木惴惴小心如臨于谷

又曰孔子曰明王有三懼一曰處尊位而恐不聞其

過二曰得志而恐驕三曰聞天下之至道而恐不能
行昔者越王勾踐與吳戰大敗之兼有南夷當是之
時君南面而立近臣三遠臣五令諸大夫曰聞過而
不以告我者爲上戮此處尊位而恐不聞其過也昔
者晉文公與楚戰大勝之燒其草火三日不息文公
退而有憂色侍者曰君大勝楚而有憂色何也文公
曰吾聞能以戰勝安者惟聖人若夫詐勝之徒未嘗
不危吾是以憂也此得志而恐驕也昔者齊桓公得
管仲隰朋辯其言說其義正月之朝令具太牢進之
先祖桓公西面而立管仲隰朋東面而立桓公曰吾

得子也吾目加明吾耳加聰不敢獨擅進之先祖
此聞不道而恐不能行者也由桓公晉文越王勾踐
觀之三懼者明君之務也詩曰溫溫恭人如集于木
惴惴小心如臨于谷戰戰兢兢如臨深淵如履薄冰
此言文王居人上也

案如臨深淵句錯入小閔當爲衍文

喬樅謹案桓公得管仲隰朋下舊脫二十八字
據說苑君道篇有辯其言以下云云有此一段
文義始備今依說苑文補之

小弁

言文言
卷三
愁焉如疔

韓詩曰疔心疾也

釋文

喬樅謹案毛詩愁焉如擣釋文本或作癆韓詩作疔義同盧氏文昭云呂氏春秋盡數篇氣鬱處腸則爲張爲疔高誘注疔跳動也與擣義相近胡承珙曰毛詩擣字自是假借說文疔雖訓腹痛然心腹義本可通玉篇云疔心腹疾也引呂氏春秋曰身盡疔腫是疔不專訓腹疾毛殆以擣爲疔借故直訓心疾歟喬樅謂廣雅疔病也玉篇疔心腹疾也癆同上又病也廣韻疔心

腹疾也癆上同是疔與癆同字

寤寐永歎唯憂用老

補後漢書質帝紀梁太后詔曰寤寐永歎重懷慘結

○李賢注寤覺也寐卧也詩曰寤寐永歎唯憂用老

喬樅謹案毛詩作假寐永歎梁太后治韓詩者

此詔即用韓詩語章懷太子注所引與毛詩不

同亦當爲韓詩之文唯字毛詩作維與韓詩字

微異

疾如疾首

補後漢書桓帝紀梁太后詔曰監寐寤歎疾如疾首

鳴蜩嘒嘒

補曹植蟬賦詩咏鳴蜩聲嘒嘒兮

補玉篇口部詩云鳴蜩嘒嘒小聲也

喬樅謹案毛傳云嘒嘒聲也此云嘒嘒小聲當
是韓詩之訓說文亦云嘒小聲也皆用韓義

有灌者淵藿葦潏潏

韓詩外傳七楚莊王賜其羣臣酒日暮酒酣左右皆
醉殿上燭滅有牽王后衣者后扞冠纓而絕之言於
王曰今燭滅有牽妾衣者妾扞其纓而絕之願趣火
視絕纓者王曰止立出令曰與寡人飲不絕纓者不

爲樂也於是冠纓無完者不知王后所絕冠纓者誰
於是士遂與羣臣歡飲乃罷後吳興師攻楚有人常
爲應行五合戰五陷陣却敵遂取大軍之首而獻之
王怪而問之曰寡人未嘗有異於子子何爲於寡人
厚也對曰臣先殿上絕纓者也當時宜以肝腦塗地
負日久矣未有所効今幸得用於臣之義尙可爲王
破吳而強楚詩曰有濯者淵藿葦淠淠言大者無不
容也

君子無易由言

韓詩外傳五孔子侍坐於季孫季孫之宰通曰君使

人假馬其與之乎孔子曰吾聞君取於臣謂之取不
曰假季孫悟告宰通曰今以往君有取謂之取無曰
假孔子正假馬之名而君臣之義定矣論語曰必也
正名乎詩曰君子無由易言名正也

巧言

昊天大憮予慎無辜

韓詩外傳四紂作炮烙之刑王子比干曰王暴不諫
非忠也畏死不言非勇也見過卽諫不用卽死忠之
至也遂諫三日不去朝紂囚殺之詩曰昊天太憮予
慎無辜

又曰桀爲酒池可以運舟糟邱足以望十里而牛飲者三千人關龍逢進諫曰古之人君身行禮義愛民節財故國安而身壽今君用財若無窮殺人若恐弗勝君若弗革天殃必降而誅必至矣君其革之立而不去朝桀囚而殺之君子聞之曰天之命矣詩曰昊天大憯予慎無辜

又外傳七傳曰伯奇孝而棄於親隱公慈而殺於弟叔武賢而殺於兄比干忠而誅於君詩曰予慎無辜又曰紂殺王子比干箕子被髮佯狂陳靈公殺泄冶鄧元去陳以族從自此之後殷并於周陳亡於楚以

其殺比干泄治而失箕子鄧元也燕昭王得郭隗鄒
衍樂毅是以魏趙興兵而攻齊棲於莒燕支地計衆
不與齊均也然所以信燕至於此者由得士也故無
常安之國無宜治之民得賢者昌失賢者亡自古及
今未有不然者也明鏡者所以照形也往古者所以
知今也知惡古之所以危亡而不務襲蹈其所以安
存則未有以異乎却走而求逮前人也太公知之故
舉微子之後而封比干之墓夫聖人之於賢者之後
尙如是厚也而況當世之存者乎詩曰昊天太憮予
慎無辜

僭始既減

韓詩曰減少也

釋文

喬樅謹案減毛詩作涵傳云涵容也文義與韓並異馬瑞辰曰涵咸古同聲通用韓詩作減者咸之段借章句訓爲減少失之胡承珙曰涵咸字固可通然以減爲少當謂亂萌初起僭端尙少也喬樅謂月令水泉咸竭呂覽仲冬紀作減竭漢書石奮傳九卿咸宜服虔音減損之減史記酷吏傳作減宜蓋古音讀減如咸故與涵通用廣雅釋詁三減少也當卽本韓詩訓義

匪其止恭惟王之印

韓詩外傳四有大忠者有次忠者有下忠者有國賊者以道覆君而化之是謂大忠也以德調君而輔之是謂次忠也以諫非君而怨之是謂下忠也不恤乎公道之達義倫合苟同以持祿養者是謂國賊也若周公之於成王可謂大忠也管仲之於桓公可謂次忠也子胥之於夫差可謂小忠也曹觸龍之於紂可謂國賊也皆人臣之所爲也吉凶賢不肖之效也詩曰匪其止恭惟王之印

又曰哀公問取人孔子曰無取健無取佞無取口讒

健驕也佞諂也口讒誕也故弓調然後求勁焉馬服然後求良焉士信慤而後求知焉士不信焉又多知譬之豺狼其難以身近也周書曰爲虎傅翼也不亦殆乎詩曰匪其止恭惟王之卬言不恭其職事而病其主也

他人有心予忖度之

韓詩外傳四齊桓公獨以管仲謀伐莒而國人知之桓公謂管仲曰寡人獨爲仲父言而國人知之何也管仲曰意若國中有聖人乎今東郭牙安在桓公顧曰在此管仲曰子有言乎東郭牙曰然管仲曰子何

以知之曰臣聞君子有三色是以知之管仲曰何謂
三色曰歡忻衆說鐘鼓之色也愁悴哀憂衰經之色
也猛厲克實兵革之色也是以知之管仲曰何以知
其莒也對曰君東面而指口張而不掩舌舉而不下
是以知其莒也桓公曰善東郭先生曰目者心之符
也言者行之指也夫知者之於人也未嘗求知而後
能之也觀容貌察氣志定取舍而人情畢矣詩曰他
人有心予忖度之

趯趯兔遇犬獲之

韓詩章句曰趯趯往來貌獲得也言趯趯之兔遇犬

狡兔數往來逃匿其蹟有時遇犬得之

史記春申君列傳注

喬樸謹案趯趯毛詩作躍躍草蟲傳曰趯趯躍也則毛詩躍躍亦當訓爲跳躍韓云往來貌者謂其往來跳疾趯趯然也正義引王肅云言其雖騰躍逃隱其迹或適與犬遇而見獲也王之述毛卽用韓詩之義遇韓詩如字鄭箋云遇犬犬之馴者謂田犬也是以遇爲馴犬馴猶良也易林謙之益云狡兔趯趯良犬逐咋亦以遇犬爲良犬焦贛用齊詩然則鄭箋之語蓋本齊義毛詩釋文云遇如字世讀作愚非也焦氏循曰

如字者毛義也讀愚者鄭義也以爲非者非鄭而是毛也馬瑞辰曰鄭以遇犬爲犬之馴者馴順也善也二義均見廣雅是鄭未嘗讀遇爲愚釋文以世讀愚爲非非以鄭爲非也爾雅釋文引廣雅以殷虞爲良犬名蓋謂殷之良犬名虞猶晉焚韓盧之比犬之大者名焚虞亦大也虞遇幾聲遇當卽虞之段借故鄭又以爲田犬虞吾古同音虞之借作遇猶梧邱之訓爲遇邱也毛於遇犬無傳讀如字者乃王肅述毛之義未必遂於毛義有當曾釗曰遇與龜對傳以狡訓

龜則遇卽愚之段借老子將以愚之王注愚謂
無知守真順自然也是愚本有馴順之義素問
精微論曰請問有龜遇樸陋之問是龜與愚古
恒對舉之證莊子則陽篇匿爲物而愚不識釋
文愚本又作遇愚遇二字古通用喬樞謂馬會
二說義竝通然四家之詩師承不同容有異讀
韓詩云有時遇犬獲之則自當讀遇如字訓爲
逢遇也

何人斯

祇攬我心

補曹植七啟祇攬予心

我心施也

韓詩曰施善也

釋文

喬樅謹案施毛詩作易傳云易說也與韓文異
馬瑞辰曰易施古音不同部而義近皇矣詩施
于孫子箋云施猶易也易繫詞上辭有儉易京
房注易善也凡相善卽相說毛韓義正相成書
盤庚不惕予一人白虎通引作不施予一人亦
易施通用之類

出此三物以詛爾私

五經異義盟牲所用韓詩云天子諸侯以牛豕大夫以犬庶人以鷄

喬樞謚案毛傳云三物豕犬鷄也民不相信則盟詛之君以豕臣以犬民以鷄正義引鄭異義駿云詩說及鄭伯使卒及行所出皆謂詛耳小於盟也又云定本民不相信則詛之無盟字今據韓詩言盟牲而不及詛自是以盟該詛盟大而詛小盟牲以牛詛則以豕而已韓詩言天子諸侯以牛豕此兼舉盟詛所用之牲非以牛豕爲天子諸侯之等差也毛言君以豕而不及牛

此則專指詛言之左氏襄十一年傳云季武子將作三軍盟諸僖闕詛諸五父之衢又定公六年傳云既逐陽虎及三桓盟於周社盟國人於亳社詛諸五父之衢此分別盟詛之異知爲詛小於盟也

爲鬼爲蜮

韓詩內傳曰短狐水神也

喬樅謹案太平御覽九百五十引作外傳外字乃內之誤又九百九獸部引韓詩外傳曰狐水神也亦誤韓詩此傳卽釋詩爲鬼爲蜮當云蜮

短狐水神也御覽又引元中記曰水狐者視其
形蟲也其氣乃鼠也長三四寸其色黑廣寸許
背上有甲厚三分許其頭有物向前如角狀見
人則氣射人去二三步卽射人中十人六七八
死攷說文云蜮短狐也似鼈三足以氣射害人
案狐當爲弧之假借字博物志以爲口中有弩
形以氣射人影是也漢書五行志云蜮在水旁
能射人射人有處甚者至死南方謂之短弧師
古曰短弧卽射工也亦名水弩正作弧字足證
短狐乃短弧之段借以其居水中故又以爲水

神也詩以鬼蜮並言者李善文選東京賦注引
漢舊儀曰魃鬼也魃與蜮古字通又引漢舊儀
曰昔顓頊氏有三子一居水中爲魍魎魃鬼是
蜮本爲鬼物之類也

巷伯

縷兮斐兮成是貝錦

補說文系部縷帛文貌詩曰縷兮斐兮成是貝錦

補薛君韓詩章句曰靡好也文選十七
文賦注

喬樅謹案此條詩考屬之烈文篇無封靡於爾
邦下其義未當據曹植魏德論以荆人封靡與

交益影從對文是讀靡爲披靡之靡則義不得
訓好了建昌韓詩者也竊意靡好之訓是釋巷
伯詩縷斐之義縷毛詩作斐爲縷之段借斐毛
詩釋文云或作非非亦斐字之段借說文所引
詩作縷兮斐兮疑卽韓詩之文斐字韓詩內傳
當訓爲靡故薛君章句申釋之曰靡好也攷揚
雄方言二云東齊言布帛之細者曰縷秦晉曰
靡郭璞注云靡細好也其義當亦本之韓詩

慎爾言矣謂爾不信

韓詩外傳三受命之士正衣冠而立儼然人望而信

之其次聞其言而信之其次見其行而信之既見其行而衆皆不信斯下矣詩曰慎爾言矣謂爾不信

喬樅謹案矣毛詩作也

取彼讒人投畀豺虎豺虎不食投畀有北有北不受投畀有昊

補後漢書朱勃上疏曰詩云取彼讒人投畀豺虎豺虎不食投畀有北有北不受投畀有昊此言欲令上天而平其惡

喬樅謹案後漢書馬援傳勃字叔陽年十二能誦詩書常候援兄況勃衣方領能矩步辭言嫻

雅援裁知書見之自失况知其意乃自酌酒慰
援曰朱勃小器速成智盡此耳卒當從女稟學
勿畏也及援爲將軍封侯而勃位不過縣令後
援遇讒惟勃能終焉李賢注引續漢書曰勃能
說韓詩是勃所稱詩乃韓說也說人毛詩作諸
人與韓文異

補韓詩內傳曰孔子爲魯司寇先誅少正卯謂佞道
已行亂國政也佞道未行章明遠之而已

白虎通
誅伐篇

韓詩遺說攷卷第三

三之三

福州陳壽祺學

男喬樅述

韓詩小雅三

谷風

將恐將懼

韓詩曰將恐將懼○

薛君曰將辭也

文選三十六任助策秀才文注

將安將樂棄予如遺

韓詩外傳七宋玉因其友見楚襄王襄王待之無以

異乃讓其友友曰夫薑桂因地而生不因地而辛女

因媒而嫁不因媒而親子之事王未耳何怨於我宋

玉曰不然昔者齊有狡兔盡一日而走五百里使之
瞻見指注雖良狗猶不及狡兔之塵若攝纓而縱絀
之則狡兔亦不能離也今子之屬臣也攝纓縱絀歟
瞻見指注歟詩曰將安將樂棄予如遺

案臧鏞堂輯韓詩引外傳云棄予作遺攷元槩本
外傳棄予作遺壞字也不當采入臧改爲作字殊
誤

喬樅謹案則狡兔亦不能離以下三句共十九
字舊本脫去今據新序雜事五補入

補三國志曹植疏谷風有棄予之歎

蓼莪

無父何怙無母何恃

韓詩曰無父何怙怙賴也無母何恃恃負也衆經音義一

案毛詩釋文止引韓詩云怙賴也下云恃負也不言韓詩蓋相承文省耳又華嚴經音義引韓詩傳連經文二語

喬樅謹案怙恃訓義互通爾雅釋言怙恃也說文恃賴也負恃也是已馬瑞辰曰唐風以陟岵興望父卽取可怙之義漢書高帝紀注引如淳曰俗謂老大母爲阿負師古曰劉向列女傳魏

曲沃負者魏大夫如耳之母也此則古語謂老母爲負耳謂母爲負蓋取可恃之義也

父兮生我母兮鞠我拊我畜我長我育我顧我復我出入腹我

韓詩外傳七夫爲人父者必懷慈仁之愛以畜養其子撫循飲食以全其身及其有識也必嚴居正言以先導之及其束髮也授明師以成其技十九見志請賓冠之足以死其意血脈澄靜婢內以定之信承親授無有所疑冠子不言髮子不管聽其微諫無令憂之此爲人父之道也詩曰父兮生我母兮鞠我拊我

畜我長我育我顧我復我出入腹我

喬樅謹案文選洞簫賦注引首三句作韓詩曰
卽採外傳此條宋綿初係小弁靡瞻匪父下未
當又冠子不言趙懷玉校語云疑當作不閑
欲報之德昊天罔極

補三國志曹植疏終懷夢莪罔極之哀

補曹植責躬詩昊天罔極

大東

周道如砥其直如矢君子所履小人所視瞻焉顧之潛
然出涕

韓詩外傳三 道義不易民不由也禮樂不明民不見也詩曰周道如砥其直如矢言其易也君子所履小人所視言其明也睠焉顧之潸然出涕哀其不聞禮教而就刑誅也

嬀嬀公子

韓詩云嬀嬀往來貌

文釋

喬樅謹案廣韻二十九條嬀下引韓詩同嬀嬀毛詩作佻佻訓獨行貌王逸楚詞注引詩作苕苕是據魯家之文義當訓爲直好貌文義並與韓異韓訓嬀嬀爲往來貌蓋以嬀嬀爲趨趨之

段借字

或以其酒不以其漿

韓詩外傳七宋燕相齊見逐罷歸之舍召門尉陳饒等二十六人曰諸大夫有能與我赴諸侯者乎陳饒等皆伏而不對宋燕曰恐乎哉何士大夫易得而難用也陳饒曰君弗能用也則有不平之心是失之已而責諸人也宋燕曰夫失之已而責諸人者何陳饒曰三斗之稷不足於士而君鴈鶩有餘粟是君之一過也果園梨栗後宮婦人以相提擲而士曾不得一嘗是君之二過也綬紉綺縠靡麗於堂從風而樊士

曾不得以爲緣是君之三過也且夫財者君之所輕也死者士之所重也君不能行君之所輕而欲使士致其所重譬猶鉛刀畜之而干將用之不亦難乎宋燕面有慙色逡巡避席曰是燕之過也詩曰或以其酒不以其漿

喬樅謹案毛傳云或醉於酒或不得漿正義曰毛以爲言王政之偏或用之爲官令其醉酒或不見任用不得其漿毛意與韓詩外傳引詩正同其義甚古歐陽本義乃云言當飲漿者今飲酒矣第就一人言之殊失其義

跂彼織女終日七襄

雖則七襄不成報章

韓詩曰跂彼織女終日七襄雖則七襄不成報章○

薛君曰襄反也

文選廿六顏延之
夏夜呈從兄詩注

喬樅謹案此與毛傳義同鄭箋云襄駕也謂更

其肆也從旦至莫七辰一移因謂之七襄從此

岳本正義述毛謂終一日歷七辰至夜而廻反胡

承珙曰案此疏非是經言日竝不及夜況移七

襄而至夜亦不得謂之廻反蓋反卽更也呂覽

察微篇舉兵反攻之知度篇其患又將反以自

多高誘注並以反爲更此傳言反者亦謂從旦至莫七更其次鄭箋言更其肆者申傳非易傳也爾雅襄除也斯干傳除去也除去者變更之義故韓毛皆以襄爲反胡說是也

東有启明西有長庚

韓詩云太白晨出東方爲启明昏見西方爲長庚

史記

天官書
索隱

喬樅謹案此與毛傳說同正義引孫炎說以明星爲太白是矣又云長庚不知是何星爲兩岐之解失之何氏古義曰攷張揖廣雅云太白謂

之長庚始知長庚啟明本是一星韓詩毛傳亦
皆指爲明星特從來解說東西不明似乎每日
東西兩見者夫東西原非同時當其晨見東方
去夕見之期甚遠及其夕見西方去晨見之期
甚遠啟明長庚正因東西見而異其名耳胡承
珙曰太白名長庚亦不止見於廣雅徐氏管城
碩記云前漢鄒陽上梁孝王書曰衛先生爲秦
畫長平之策太白食昴張衡週天大象曰衛生
設策長庚入昴此太白爲長庚之確證又在張
揖之前者也若何氏謂太白不能一日東西兩

見則又不然新法表異云金星或合太陽而不
伏水星或離太陽而不見所以然者金緯甚大
凡逆行緯在北七度餘而合太陽於壽星大火
二宮則雖與日合其光不伏一日晨夕兩見者
皆坐此故水緯僅四度餘設令緯向是南合太
陽於壽星嗣後雖離四度夕猶不見也合太陽
於降婁後雖離四度晨猶不見也此二則用渾
儀一測便見非舊法所能知也

維南有箕不可以簸揚維北有斗不可以挹酒漿

韓詩外傳四今有堅甲利兵不足以施敵破虜弓良

矢調不足射遠中微與無兵等爾有民不足強用嚴
敵與無民等爾故盤石千里不爲有地愚民百萬不
爲有民詩曰維南有箕不可以簸揚維北有斗不可
以挹酒漿

又曰傳曰舜彈五絃之琴以歌南風而天下治周平
公酒不離於前鍾石不解於懸而宇內亦治匹夫百
畝一室不遑啟處無所移之也夫以一人而兼聽天
下其日有餘而下治是使人爲之也夫擅使人之權
而不能制衆於下則在位非其人也詩曰維南有箕
不可以簸揚維北有斗不可以挹酒漿言有其位無

其事也

維南有箕載吸其舌

補玉篇口部詩云維南有箕載吸其舌吸引也

喬樅謹案毛詩吸作翕傳云翕合也與此文義並異玉篇所引詩韓家之文也鄭箋云翕猶引也引舌者謂上星相近蓋用韓義易毛

唯北有斗西柄之揭

補玉篇斗部料有柄形如北斗星用以斟酌也詩云唯北有斗亦飲水斃也

喬樅謹案毛詩釋文云斗都口反沈作王案作

王者毛氏之古文作斗者改從三家今文也易
豐卦日中見斗釋文云孟作見主周官鬯人大
喪之大泚設斗注云斗所以沃尸也釋文云斗
依注音主是古文主斗字通此篇唯北有斗前
後四句毛詩傳箋均無訓釋玉篇所說科形云
云引詩爲證當是据韓家之說也

四月

秋日淒淒百卉俱腓

韓詩曰秋日淒淒百卉俱腓○薛君曰腓變也言俱

變而黃也

文選廿謝靈運九
日送孔令詩注

喬樅謹案文選謝靈運詩云淒淒陽卉腓李善
注旣引韓詩及薛君章句又云腓音肥毛萇曰
痹病也今本作腓非陳氏稽古篇曰據李言則
毛詩作痹唐世寫詩者誤以韓字入毛詩後遂
相沿莫知改正耳阮氏校勘記曰釋文腓房非
反病也韓詩云變也不言其字有異是毛詩經
亦作腓但傳訓爲病以爲痹之假借字胡承珙
曰案文選注引韓詩具又作俱玉篇疒部引詩
百卉具痹雖未著毛韓然作具則當是毛詩玉
篇在釋文之前是所見毛詩本有作痹者蓋韓

作俱腓毛作具癉陳氏之說未爲無據也

亂離斯莫爰其適歸

韓詩曰亂離斯莫爰其適歸○薛君曰莫散也

文選廿通

安仁關中詩注

喬樅謹案梁處素據文選三十八任昉爲范尙書讓吏部表注引韓詩作亂離瘼矣爰其適歸瘼散也疑韓詩亦同喬樅謂梁說非是潘安仁關中詩亂離斯瘼李善注先引韓詩亂離斯莫云云又引毛詩曰亂離瘼矣今此旣引韓詩宜爲莫字據此則韓詩文爲亂離斯莫明甚文選

三十八注蓋誤也此詩三家今文皆作亂離斯
瘼與毛詩異說苑政理篇引詩及後漢書仲長
統昌言法誠篇並同是其明證說苑云此傷離
散以爲亂者也與韓詩訓莫爲散合是魯韓文
同義同據任彥昇表云亂離斯瘼欲以安歸潘
安仁詩云亂離斯瘼皆用韓詩之句故李善云
今此旣引韓詩宜爲莫字也胡承珙曰李善注
引韓詩爰其適歸爰當本作奚以形近致誤家
語辨致篇引此詩作奚其適歸此必本三家詩
任彥昇表云亂離斯瘼欲以安歸正奚其適歸

之意此亦足見韓詩當作奚與毛異字異義也
段氏詩小學據常璩華陽國志引亂離瘼矣奚
其適歸謂三家詩有作奚者其說是已

廢爲殘賊莫知其尤

韓詩外傳七傳曰善爲政者循情性之宜順陰陽之
序通本末之理合天人之際如是則天氣奉養而生
物豐美矣不知爲政者使情厭性使陰乘陽使未逆
本使人詭天氣鞠而不信鬱而不宣如是則災害生
怪異起羣生皆傷而年穀不熟是以其動傷德其靜
亡救故緩者事之急者弗知日反理而欲以爲治詩

曰廢爲殘賊莫知其尤

北山

普天之下莫非王土

韓詩外傳二詩曰普天之下莫非王土

喬樅謹案普毛詩作溥傳云溥大也三家詩並作普字荀子及賈子新書白虎通引詩同可証也趙岐孟子章句訓普爲徧用魯詩之訓韓詩義當亦同

率土之濱

補後漢書桓帝紀梁太后詔曰普天率土遐邇洽同

無將大車

無將大車惟塵冥冥

韓詩外傳七魏文侯之時子質仕而獲罪焉去而北游謂簡主曰從今以後吾不復樹德於人矣簡主曰何以也質曰吾所樹堂上之士半吾所樹朝廷之大夫半吾所樹邊境之人亦半今堂上之士惡我於君朝廷之大夫恐我以法邊境之人劫我以兵是以不復樹德於人也簡主曰噫子之言過矣夫春樹桃李夏得陰其下秋得食其實春樹蒺藜夏不可採其葉秋得其刺焉由此觀之在所樹也今子所樹非其人

也故君子先擇而後種也詩曰無將大車惟塵冥冥
喬樅謹案此詩毛敘以爲大夫悔將小人也荀
子大略篇引此詩二語言無與小人處也今據
韓詩外傳引此詩以證所樹非其人則三家與
毛義皆同矣趙懷玉曰說苑復恩篇作陽虎得
罪於衛此云魏文侯之時亦不與簡王同時疑
皆誤又惡我於君朝廷之大夫九字舊本脫據
御覽六百三十二引補恐我以法御覽作中我
於法是以不復樹德於人也復字舊脫亦據御
覽補之

小引

載離寒暑

補曹植朔風詩載離寒暑

眷眷懷顧

韓詩曰眷眷懷顧

文選登樓賦注又見思元賦注及廿五陸雲荅張士然詩注謝惠連

西陵遇風詩注廿七王粲從軍詩注

喬樅謹案文選王粲從軍詩注引韓詩眷眷懷

歸疑卽此詩或因下句有豈不懷歸遂致誤歟

靜恭爾位正直是與神之聽之式穀以女

韓詩外傳四韶用干戚非至樂也舜兼二女非達禮

也封黃帝之子十九人非法義也往田號泣非盡命
也以人觀之則是也以法量之則未也禮曰禮儀三
百威儀三千詩曰靜恭爾位好是正直神之聽之式
穀以女

案外傳七引作靖恭爾位當是淺人誤改又好是
正直宜作正直是與此所引乃二章之文或傳寫
誤或韓氏本異未可知也

靜恭爾位好是正直神之聽之介爾景福

韓詩外傳四齊桓公伐山戎其道過燕燕君送之出
境桓公問管仲曰諸侯相送固出境乎管仲曰非天

子不出境桓公曰然畏而失禮也寡人不可使燕失禮乃割燕君所至之地以與之諸侯聞之皆朝於齊詩曰靜恭爾位正直是與神之聽之介爾景福

又外傳七正直者順道而行順理而言公平無私不爲安肆志不爲危激行昔衛獻公出走反國及郊將班邑於從者而後入太史柳莊曰如皆守社稷則孰負羈繫而從如皆從則孰守社稷君反國而有私也無乃不可乎於是不班也柳莊正矣昔者衛大夫史魚病且死謂其子曰我數言蘧伯玉之賢而不能進彌子瑕不肖而不能退爲人臣生不能進賢而退不

車言文訓卷之二
肖死不當治喪正堂殯我於室足矣衛君問其故子
以父言聞君造然召蘧伯玉而貴之而退彌子瑕徙
殯於正堂成禮而後去生以身諫死以尸諫可謂直
矣詩曰靖恭爾位好是正直

〔又外傳〕八齊景公使人爲弓三年乃成景公得弓而
射不穿三札景公怒將殺弓人弓人之妻往見景公
曰蔡人之子弓人之妻也此弓者太山之南烏號之
柘騂牛之角荆麋之筋河魚之膠也四物者天下之
練材也不宜穿札之少如此且妾聞奚公之車不能
獨走莫邪雖利不能獨斷必有以動之夫射之道左

手若附枝掌若握卵四指如斷短杖右手發之左手
不知此蓋射之道景公以爲儀而射之穿七札蔡人
之夫立出矣詩曰好是正直

又曰齊有得罪罪於景公者景公大怒傳置之殿下召
左右肢解之敢諫者誅晏子左手持頭右手磨刀仰
而問曰古者明王聖主其肢解人不審從何肢解始
也景公離席曰縱之罪在寡人詩曰好是正直

鼓鐘

憂心且陶

韓詩曰憂心且陶陶暢也

衆經音義十二後漢書在
八十上文選在三十

喬樅謹案毛詩作憂心且妯傳云妯動也箋云
妯之言倬也與韓文異馬瑞辰曰毛傳妯動也
動卽慟字韓詩憂心且陶陶卽妯之段借妯通
作陶猶古文書皐陶作咎繇也由又與冑通苑
柳詩上帝甚蹈韓詩作上帝甚陶是已說文心
部怵服也引詩憂心且怵怵與妯聲義同服當
爲恨之譌恨亦傷悲之意憂心且妯與上章憂
心且傷憂心且悲同義喬樅謂馬以陶爲妯之
段借其說亦通然陶本有憂義無煩段借廣雅
釋言曰陶憂也正釋韓氏憂心且陶之訓說文

云暢不生也玉篇同禮記月令曰地氣且泄是
謂發天地之房諸蟄則死民必疾疫又隨以喪
命之曰暢月則暢月云者當卽以不生爲義暢
字本義訓爲不生與訓作暢達者正相反則暢
之本義益與鬱近故古人以鬱陶連文訓爲憂
思陶猶鬱也知此則知韓詩以陶訓暢暢亦有
憂鬱之義矣王氏廣雅疏証曰凡一字兩訓而
反覆旁通者如亂之爲治故之爲今擾之爲安
臭之爲香不可悉數爾雅鬱陶繇喜也又云繇
憂也則繇字卽有憂喜二義鬱陶亦猶是也是

故喜氣未暢謂之鬱陶檀弓正義引何氏隱義云鬱陶懷喜未暢意是也憂思憤盈亦謂之鬱陶楚詞九辨豈不鬱陶而思君兮王逸注云憤念蓄積盈胷臆也孟子書象曰鬱陶思君爾史記五帝紀我思舜正鬱陶是也暑氣蘊隆亦謂之鬱陶摯虞思游賦戚溽暑之鬱陶兮夏侯湛大暑賦云乃鬱陶以興熱是也事雖不同而同爲鬱積之義故命名亦同閻氏百詩謂憂喜不同名廣雅誤訓陶爲憂其說非也

以雅以南以簡不僭

韓詩內傳曰王者舞六代之樂舞四夷之樂大德廣之所及

魏都賦注

喬樅謹案班固東都賦云四夷間奏德廣所及僭佞堯離罔不具集亦以陳四夷之樂爲德廣所及班固所云當本齊詩內傳語而說與韓詩內傳合是三家義同

薛君曰南夷之樂曰南四夷之樂惟南可以和於雅者以其人聲音及籥不僭差也

後漢書陳禪傳注

喬樅謹案此以六代之樂釋雅以四夷之樂釋南三家詩說皆與毛傳合薛君言四夷之樂惟

南可以和於雅者蓋以南有羽籥與中國籥舞
同白虎通引樂元語曰東夷之樂持矛舞助時
生也南夷之樂持羽舞助時養也西夷之樂持
戟舞助時煞也北夷之樂持干舞助時藏也是
四夷之樂惟南爲文舞白虎通又引一說曰東
方持矛南方歌西方戚北方擊金夷狄質不如
中國文但隨物名之耳故百王不易是四夷之
樂亦惟南有歌曲故薛君云以其人聲音及籥
不僭差也詩疏謂四夷之樂惟專爲舞其義非
是蔡邕獨斷曰王者必作四夷之樂以合天下

之歡心祭神明和而歌之以管樂爲之聲蔡邕
所云卽指南方歌者而言與薛君言南可以和
於雅者正合然則韓詩之說是以以篇不偕兼
承雅南二者言之謂歌聲與舞容皆節奏齊同
和而不偕也鄭箋分雅南篇爲三舞與韓詩義
異

楚茨

禮義卒度笑語卒獲

案今本韓詩外傳義字誤儀此據詩攷所引作義
周禮肆師治其禮儀注故書儀爲義鄭司農云義

讀爲儀左傳邾儀父漢書邾陽傳作義父說文云義者已之威儀也故經傳多以義爲儀字

韓詩外傳四禮者治辯之極也強國之本也威行之道也功名之統也王公由之所以一天下也不由之所以隕社稷也是故堅甲利兵不足以爲武高城深池不足以爲固嚴令繁刑不足以爲威由其道則行不由其道則廢若楚人蛟革犀兕以爲甲堅如金石宛如鉅蛇慘若蜂螫輕利剛疾卒如飄風然兵殆於垂沙唐子死莊躡起楚分爲三四者此豈無堅甲利兵也哉所以統之非其道故也汝淮以爲險江漢以

爲池隄之以方成限之以鄧林然秦師至於鄢郢舉
若振稿然是豈無固塞限險也哉其所以統之者非
其道故也紂殺王子比干而囚箕子爲炮烙之刑殺
戮無時群下愁怨皆莫冀其命然周師至令不行乎
左右是豈其無嚴令繁刑也哉其所以統之者非其
道故也若夫明道而均分之誠愛而時使之卽下之
應上如影響矣有不由命然後俟之以刑刑一人而
天下服下不非其上知罪在已也是以刑罰競消而
威行如流也無他由是道故也詩曰自東自西自南
自北無思不服如是則近者歌謳之遠者赴趨之幽

閒僻陋之國莫不趨使而安樂之若赤子之歸慈母者何也仁刑義立教誠愛深禮樂交通故也詩曰禮儀卒度笑語卒獲

又曰君子者以禮分施均徧而不偏臣以禮事君忠順而不解父寬惠而有禮子敬愛而致恭兄慈愛而見友弟敬詘而不竭夫臨照而有別妻柔順而聽從若夫行之而不中道卽恐懼而自竦此道也偏立卽亂具立卽治請問兼能之奈何曰審禮昔者先王審禮以惠天下故德及天地動無不當夫君子恭而不難敬而不羣貧窮而不約富貴而不驕應變而不窮

審之禮也故君子於禮也敬而安之其於事也經而
不失其於人也寬裕寡怨而弗阿其於儀也修飾而
不危其應變也齊給便捷而不累其於百官技藝之
人也不與爭能而致用其功其於天地萬物也不說
其所然謹財其盛其待上也忠順而不解其使下也
均遍而不偏其於交遊也緣類而有義其於鄉曲也
容而不亂是故窮則有名通則有功仁義兼覆天下
而不窮明通地理萬變而不疑血氣平和志意廣
大行義塞天地仁知之極也夫是謂先王審之禮也
若是則老者安之少者懷之朋友信之如赤子之歸

慈母也曰仁刑義立教成愛深禮樂交通故也詩曰
禮儀卒度笑語卒獲

又曰晏子聘魯上堂則趨授玉則跪子貢怪之問孔
子曰晏子知禮乎今者晏子來聘魯上堂則趨授玉
則跪何也孔子曰其有方矣待其見我我將問焉俄
而晏子至孔子問之晏子對曰夫堂上之禮君行一
臣行二今君行疾臣敢不趨乎今君之授幣也卑臣
敢不跪乎孔子曰善禮中又有禮賜寡使也何足以
識禮也詩曰禮儀卒度笑語卒獲晏子之謂也

式禮莫愆

韓詩外傳七孔子閑居子貢侍坐請問爲人下之道
奈何孔子曰善哉爾之問也爲人下其猶土乎子貢
未達孔子曰夫土者掘之得甘泉焉樹之得五穀焉
草木植焉鳥獸魚鼈遂焉生則立焉死則入焉多功
不言賞世不絕故曰能爲下者其惟土乎子貢曰賜
雖不敏請事斯語詩曰式禮莫愆

馥芬孝祀

韓詩曰馥芬孝祀薛君曰馥香貌也

文選蕭武
古詩注

案衆經音義十四引韓詩曰馥芬孝祀馥香氣也
喬樅謹案衆經音義二又引字林云馥香氣也

義本韓詩漢帝堯碑云生自馥芬正用韓詩之
語毛詩作苾芬孝祀箋云苾苾芬芬有馨香矣
是毛韓文異而義同泌復同音古相通用宓子
賤處犧字又作伏是其證也苾亦通作秘廣雅
釋詁秘香也又說文飮食之香也玉篇云泌芳
香也泌必皆以音義同並通

神具醉止

補曹植魏文帝謔神具醉止

三國魏志
文帝紀注

子子孫孫勿替引之

韓詩外傳三傳曰喪祭之禮廢則臣子之恩薄臣子

之恩薄則背死凶生者衆小雅曰子子孫孫勿替引之

信南山

信彼南山維禹陟之

周禮稍人疏○顏師古急就章注

喬樅謹案周禮稍人注甸讀與維禹陟之之陟同其訓曰乘賈疏云案毛詩維禹甸之不言陟者鄭君先通韓詩此據韓詩而言胡承珙曰毛傳甸治也傳訓甸爲治者甸讀爲田說文田陟也李巡注爾雅釋地曰田敕也謂敕列種穀之處夫敕列種穀固已含治義矣攷韓詩字雖作

隄訓亦當同毛爲治爾雅神治也邵二雲謂神爲隄之轉又說文隄理也理卽爲治亦以聲近義同也鄭注小司徒云甸之言乘也乘亦可訓治豳風亟其乘屋箋云乘治是也此箋必申以邱甸者以下文疆理南畝皆所以奉禹功故又本甸治之意推而言之耳賈疏謂鄭據韓詩爲說隄是軍陳故訓爲乘殆未必然馬瑞辰曰甸爲治則陳亦皆爲治酒誥曰惟其陳脩爲厥疆畎陳脩皆治也多方曰畋爾田齊風曰無田甫田並與陳聲近而義同

補吳越春秋四禹乘四載

陸行乘車水行乘船以行

川始於霍山徧集五嶽詩云信彼南山惟禹甸之

喬樅謹案此所引詩乃作甸字疑後人傳寫依

毛詩改之

上天同雲雨雪紛紛

韓詩外傳曰凡草木花多五出雪花獨六出者陰極

之數雪花曰霰雪雲曰同雲

○藝文類聚二自上而下

曰雨雪

初學記二○歲華紀麗一又四

喬樅謹案初學記云同雲謂陰雲竟天同爲一

色又埤雅引詩上天同雲而釋之曰冬爲上天

煥則雲暘而異寒則雲陰而同故韓詩以雪雲
爲同雲也紛紛毛詩作雰雰何氏古義曰說文
雰卽氛字云祥也與雪無涉當通作紛今據白
帖二兩引詩雨雪紛紛則三家今文固有作紛
紛者矣

中田有廬墠場有仄

韓詩外傳四古者八家而井田方里爲一井廣三百
步長三百步爲一里其田九百畝廣一步長百步爲
一畝廣百步長百步爲百畝八家爲鄰家得百畝餘
夫各得二十五畝家爲公田十畝餘二十畝爲廬舍

各得二畝半八家相保出入更守疾病相憂患難相
拯有無相貸飲食相召嫁娶相謀漁獵分得仁恩施
行是以其民和親而相好詩曰中田有廬墔場有灰
喬樅謹案此與穀梁傳及漢書食貨志合穀梁
魯詩同一師傳班固漢志皆用齊詩是三家義
同穀梁傳曰古者什一藉而不稅三百步爲里
名曰井田井田者九百畝公田居一私田稼不
善則非吏公田稼不善則非民又曰古者公田
爲居井竈蔥韭盡取焉食貨志曰井方一里是
爲九夫八家共之各受私田百畝公田十畝是

爲八百八十畝餘二十畝以爲廬舍出入相友
守望相助疾病則救民是以和睦而教化齊同
力役生產可得而平也其家衆男爲餘夫亦以
口受田如此民年二十受田六十歸田種穀必
雜五種以備災害田中不得有樹用妨五穀還
廬樹桑萊茹有哇瓜瓠果蒺殖於疆易在塋曰
廬在邑曰里於里有序而鄉有庠春令民畢出
在塋冬則畢入於邑所以順陰陽備寇賊習禮
文也穀梁傳言古者公田爲居井竈葱韭盡取
焉食貨志言公田餘二十畝以爲廬舍瓜瓠果

藏殖於疆易正此詩所謂中田有廬疆場有仄
者是也公羊傳曰古者什一而藉什一者天下
之中正也什一行而頌聲作矣何休注云聖人
制井田之法而口分之一夫一婦受田百畝以
養父母妻子五口爲一家公田十畝卽所謂什
一而稅也廬舍二畝半凡爲田一頃十二畝半
八家而九頃共爲一井故曰井田廬舍在內貴
人也公田次之重公也私田在外賤私也井田
之義一曰無泄地氣二曰無費一家三曰同風
俗四曰合巧拙五曰通貨財多於五口名曰餘

夫以率受田二十五畝在田曰廬在邑曰里五穀畢入民皆居宅男女同巷相從夜績至於夜中女功一月得四十五日作從十月盡正月止男女有所怨恨相從而歌饑者歌其食勞者歌其事男年六十女年五十者官衣食之使之民間求詩鄉移於邑邑移於國國以聞於天子故王者不出牖戶而知天下所苦不下堂而知四方說亦與食貨志同公羊爲齊學邵公用魯詩其所述多齊魯詩義故范甯穀梁集解卽用邵公語他如趙岐之注孟子宋均之注樂緯咸同

此說其義甚古不可易矣孔氏詩正義乃以諸
儒爲失其說非是馬瑞辰曰說文廬寄也秋冬
去春夏居古者井田之制私田在外公田在中
廬舍又在公田之中故曰中田有廬詩正義拘
孟子九一而助之說謂鄭以爲助則九而助一
貢則什一而貢一通率爲什中取一因謂古無
公田二十畝爲廬舍之說案孟子所云皆什一
者正謂什一分而取其一詩正義以什一使自
賦謂什一而貢一是也而以九一爲九而助一
則非九一而助舉其大數實則除去廬舍二十

畝八百八十畝八家各得田一百一十畝只稅其十畝正爲什一而稅其一此孟子所謂其實皆什一也攷工記匠人賈疏以爲什外取一亦什一而取一之義先儒或以什一爲什而取一則與經文其實皆什一爲不合矣

甫田

芻彼圃田

玉篇草部芻都角切韓詩芻彼圃田毛作倬又音到毛詩釋文倬韓詩作芻云芻卓也

爾雅釋詁邢昺疏韓詩云芻彼圃田

喬樅謹案釋文莢譌作鈞盧氏文弼云徐鯤謂
說文無鈞字惟玉篇竹部有之云捕具也又作
單是鈞卽單之異文廣韻三十七號莢大也又
四覺莢字注引說文云草大也今本說文作草
木倒木倒乃大也二字之譌據此則韓詩本作
莢字可知爾雅釋詁莢大也郭注云莢義未聞
郭璞豈不見韓詩使其果作鈞字何云未聞耶
然其誤實自陸德明始爾雅釋文云莢郭涉孝
反顧野王都角反說文云草大也旣以說文玉
篇之莢爲鈞而毛詩釋文云倬韓詩作鈞邢昺

因之實爲大誤郝氏懿行曰卓與倬同說文倬
箸大也引詩倬彼雲漢毛傳亦云倬大也是倬
莚音義同喬樅謂倬兼明大二義說文訓倬爲
箸大箸卽明也此詩毛傳云卓明貌當與械樸
詩傳互易彼詩言倬彼雲漢爲章于天章明也
倬義宜爲明貌此詩言倬彼甫田甫大也則倬
義亦宜訓爲大貌爾雅釋詁作莚乃莚之譌字
耳甫圃古字通用

以社以方

補韓詩外傳曰天子社廣五丈東方青南方赤西方

白北方黑冒以黃土將封諸侯各取其方色土苴以
白茅以爲社明有土謹敬絜清也

尙書禹貢正義

喬樅謹案孝經正義二引外傳文略同攷白虎
通社稷篇亦有此文又蔡邕獨斷云天子大社
以五色土爲壇皇子封爲王者授之大社之土
以所封之方色苴以白茅使之歸國以立社謂
之茅社漢儒之言蓋皆同也

大田

去其螟蟊及其蠹賊

補後漢書明帝紀永平三年詔曰去其螟蟊及其蠹

賊○季賢注域一名短狐今之水弩含沙射人爲災
喬樅謹案此詔卽用詩大田篇語螟蜥當爲螟
蠚之譌毛詩釋文云螟蜥字亦作蚩說文作蠚
又隸釋載唐公房碑作去其螟蠚蠚與蜥字形
相近因而致譌章懷注乃以含沙之蜥釋之斯
爲謬矣

卜界炎火

韓詩曰卜報也

釋文

喬樅謹案毛詩作秉界炎火箋云持之付與炎
火使自消亡釋文云秉如字執持也韓詩作卜

段氏詩小學曰卜界猶俗言付與也爾雅卜予也馬瑞辰曰天保詩卜爾百福又曰報以介福卜報皆予也乘與卜雙聲故乘可通作卜胡承珙曰白虎通著龜云卜赴也小爾雅赴疾也禮記少儀喪服小記注竝云報讀爲赴疾之赴是訓卜爲報猶訓卜爲赴卜界炎火者謂亟取而界之炎火也

有弁淒淒興雲祁祁

韓詩外傳八夫賢君之治也溫良而和寬容而愛刑清而省喜賞而惡罰移風崇教生而不殺布惠施恩

仁不偏與不奪民力役不踰時百姓得耕家有收聚
民無凍餒食無腐敗工不造無用雕文不溺於肆斧
斤以時入山林國無佚士皆用於世黎庶歡樂衍盈
方外遠人歸義重譯執贄故得風雨不烈小雅曰有
淠淠興雲祈所以是知太平之無飄風暴雨明矣
喬樅謹案詩攷引外傳有淠淠興雲祈祈今
外傳本作淠御覽八百七十二引作驗

補玉篇水部淠雲兩貌詩曰有淠淠淠

喬樅謹案毛詩作有淠淠淠此所引亦據韓詩
之文經與釋文云淠本又作淠淠者淠之消借

字

爾我公田遂及我私

補曹植詔咎文爾我公田爰暨于私

彼有遺秉此有滯穗伊寡婦之利

韓詩外傳四天子不言多少諸侯不言利害大夫不言得喪士不言通財貨不爲買道故駟馬之家不時雞豚之息伐冰之家不圖牛羊之入千乘之君不通貨財家鄉不修幣施大夫不爲場圃委積之臣不貪市井之利是以貧窮有所歡而孤窮有所措其手足也詩曰彼有遺秉此有滯穗伊寡婦之利

以享以祀以介景福

韓詩外傳三人事倫則順於鬼神順於鬼神則降福
孔偕詩曰以享以祀以介景福

案此二句旱麓及潛詩俱有之

裳裳者華

左之左之君子宜之右之右之君子有之

韓詩外傳七孔子曰昔者周公事文王行無專制事
無由已身若不勝衣言若不出口有奉持於前洞洞
焉若將失之可謂子矣武王崩成王幼周公承文武
之業履天子之位聽天子之政征夷狄之亂誅管蔡

之罪也成王而朝諸侯誅賞制斷無所顧問威動天地振恐海內可謂能武矣成王壯周公致政北面而事之請然後行無伐矜之色可謂臣矣故一人之身能三變者所以應時也詩曰左之左之君子宜之右之右之君子有之

喬樅謹案此與荀子不苟篇引詩言君子能以義屈信變應之說合毛傳云左陽道朝祀之事右陰道喪戎之事說楚修文篇引詩傳亦以左右爲朝祀喪戎之事今據韓詩外傳語大旨皆與毛傳同

桑扈

兕觥其觥

韓詩曰觥容五升

卷耳釋文

韓詩說曰觥亦五升所以罰不敬也觥廓也所以著明之貌君子有過廓然著明非所以餉不得名觥耳

正義

喬樅謹案五經異義毛詩說觥大七升許君謹案云觥罰有過一飲而盡七升爲過多是許君從韓詩說矣詩正義引禮圖云觥大七升以兕角爲之先師說云刻木爲之形似兕角蓋無兕

者用木也卷耳詩箋云觥罰爵也饗燕所以有
之者禮自立司正之後旅醕必有醉而失禮者
罰之亦所以爲樂鄭君以觥爲罰爵亦用韓詩
之義禮圖從毛詩說故與韓異又案後漢書郅
惲傳惲理韓詩爲郡功曹汝南舊俗十月享會
百里內縣皆齎牛酒到府譙飲時臨享禮畢太
守歐陽歙教引西都督郵繇延受賜惲於下坐
愀然前曰司正舉觥明府以惡爲善股肱以直
從曲此旣無君又復無臣惲敢再拜奉觥歙色
慙動不知所言門下掾鄭敬進曰君明臣直功

曹言切明府德也可無受觥哉歛意少解曰實
歛罪也敬受觥是燕飲之禮以觥爲罰爵漢時
猶存此制也

鴛鴦

戢其左翼

韓詩曰戢捷也捷其喙於左也

文釋

喬樅謹案毛傳云戢言休息也鄭箋云戢歛也
歛其左翼以右翼掩之義與韓異據王褒四子
講德論云飛鳥翕翼翕與歛義同子淵用魯詩
者鄭箋蓋本魯說韓詩訓戢爲捷者攷廣雅釋

詰云戢插也插捷古字通用士冠禮捷栢興釋
文云捷本作插禮記樂記注搢猶捷也釋文亦
云捷本作插是其驗也毛西河續詩傳曰凡禽
鳥止息無論長頸短喙必捷其喙於左翼引攷
工記廬人注矜所捷也捷卽插也爲證其說良
允玉海載詩釋文引韓詩作捷其喙捷卽捷字
之譌稽古篇謂當從玉海作捷非是

莖之秣之

韓詩曰莖委也

文釋

案毛詩摧之秣之傳云摧挫也鄭箋云挫今莖字

也蓋據韓詩以證毛傳也

喬樅謹案鄭箋云古者明王所乘之馬繫於廐無事則委之以莖有事乃予之穀言愛國用也鄭君言委之以莖亦用韓詩義說文莖斬芻也委卽餵字之消借餵猶飼也

類升

先集惟霰

韓詩曰先集惟霰○薛君章句曰霰霰也文選十三謝惠連雪

賦注○宋書符瑞志○御覽十二

喬樅謹案毛傳霰暴雪也義與韓異段氏玉裁

曰暴雪當爲黍雪之譌說文霰稷雪也俗謂米
雪或謂粒雪皆是也馬瑞辰曰薛君章句以霰
爲霰霰猶花也今俗以雪之先下而小者爲雪
花卽韓詩所謂霰也或以雪花六出當之則誤
以霰爲大雪矣

死喪無日無幾相見

韓詩外傳四人主欲得善射及遠中微則懸貴爵重
賞以招致之內不阿子弟外不隱遠人能中是者取
之是豈不致人之道也哉雖聖人弗能易也今欲治
國馭民調一上下將內以固城外以拒難治則制人

人弗能制亂則危消滅亡可立待也然而求卿相輔
佐獨不如是之公惟便辟親比已之是用豈不謂過
乎故有社稷莫不欲安俄則危矣莫不欲存俄則亡
矣古之國千餘今無數十其故何也莫不失於是也
故明主有私人以金石珠玉而無私以官職事業者
何也亦曰本不利所私也彼不能而主使之是闇主
也臣不能而爲之是詐臣也主闇於上臣詐於下滅
亡無日矣俱害之道也故明主能愛其所愛闇主則
必危其所愛夫文王非無便辟親比已者超然乃舉
太公於舟人而用之豈私之哉以爲親邪則異族之

人也以爲故耶則未嘗相識也以爲姣好耶則太公
年七十二鄰然而齒墮矣然而用之者文王欲立貴
道欲白貴名兼制天下以惠中國而不可以獨故舉
是人而用之貴道果立貴名果白兼制天下立國七
十一姬姓獨居五十二周之子孫苟不狂惑莫不爲
天下顯諸侯夫是之謂能愛其所愛矣故惟明王能
愛其所愛閭王必危其所愛此之謂也大雅曰貽厥
孫謀以燕翼子小雅曰死喪無日無幾相見危其所
愛之謂也

喬樅謹案毛叙云類弁刺幽王也暴厲無親不

能燕樂同姓親睦九族孤危將亡故作是詩也
今據韓外傳言惟明主能愛其所愛闇主必危
其所愛而引大雅貽厥孫謀以燕翼子及此詩
二語爲證以見愛其所愛則能安社稷保子孫
危其所愛則滅亡無日矣大旨與毛叙同

車牽

德音來括

薛君韓詩章句曰括約束也

文選廿五劉琨答盧諶詩注。又五十三陸機

辨亡論注

喬樅謹案毛傳括會也釋文云括本又作恬會

也馬瑞辰曰韓詩釋括爲約束言以德音來相約束卽下章令德來教之意說文括絜也又括槩也均與約束義同至毛傳訓括爲會者括會一聲之轉括訓爲會猶話之或作誼也會合與約束義亦相近箋以爲會合離散之人失之

雖無德與汝式歌且舞

補後漢書馮衍曰人所歌舞天必從之○**李賢注**詩小雅曰雖無德與汝式歌且舞

高山仰止景行行止

韓詩外傳七傳曰南假子過程本于本子爲之烹飪

魚南假子曰聞君子不食鯢魚本子曰此乃君子食也我何與焉假子曰夫高比所以廣德也下比所以狹行也比於善者自進之階比於惡者自退之原也且詩不云乎高山仰止景行行止吾豈自比君子哉志慕之而已矣

喬樞謹案南假子說苑雜言篇作南瑕子鯢魚說苑作鯢魚又程本下舊脫子字下句亦同趙懷玉曰案下文稱本子則此處亦當有子字今爲補之

以愠我心

韓詩曰慍恚也

釋文

喬樞詳案毛詩慍字作慰馬融申毛云慰安也王肅申毛云慰怨也王義蓋本韓詩馬瑞辰曰詩正義引孫毓載毛傳云慰怨也徧檢今本皆爲慰安也按訓安者是馬融義已見釋文訓怨者亦非毛傳之舊說文詁慰也據玉篇詁慰也亦作詁詁卽婉之或體詁者順也詁可訓慰慰亦可訓詁毛傳蓋本作慰詁也後人少識詁因譌而爲怨王肅遂以怨恨釋之耳說文詁慰也集韻類篇均作尉說文尉從上按下也从尸又

持火所以申縮也是尉本火斗之稱引伸爲自
上按下之通稱按者抑也廣雅抑治也與除義
訓治同惟毛傳本作慰詆也取慰按之義故箋
以慰除其心釋之以慰我心猶前章我心寫兮
寫亦除也此亦傳作詆之證若毛訓慰爲安爲
怨箋皆不得訓慰爲除以申釋之正義乃以憂
除則心安強合爲一失矣至韓詩作以愠我心
訓爲恚者愠詆怨古並同聲韓詩蓋讀慰爲怨
因遂以愠代慰耳說文慰安也一曰恚怒也怒
疑亦詆字之譌本當作一曰恚也一曰詆也詆

者毛詩恚者兼採韓詩也

青蠅

讒人罔極交亂四國

補馮衍與任武達書曰青蠅之心不重破國後漢書本傳注

構我二人

韓詩曰構亂也毛詩釋文

喬樅謹案毛詩箋云構合也合猶交亂也與韓詩義同正義曰構者構合兩端令二人彼此相嫌交更惑亂也

補曹植贈白馬王彪詩蒼蠅閒白黑讒巧令親疎

賓之初筵

韓詩序曰衛武公飲酒悔過也

後漢書孔融傳注
○朱子詩集傳

喬樅謹案後漢書注引韓詩朱子集傳引作韓詩序謂此詩與大雅抑戒相類必武公悔過之作宜從韓詩朱氏鶴齡通義曰若祇是悔過當與衛風淇澳爲類矣毛叙云刺時者武公於幽王之時入爲卿士不敢斥言王惡借悔過以刺之姜氏炳章廣義曰以刺時之意爲自悔之辭猶微子言紂惡而云我沉湎於酒也

賓之初筵左右秩秩

韓詩曰言賓客初就筵之時賓主秩秩然俱謹敬也

孔融傳注

威儀反反

韓詩曰反反善貌

釋文

喬樅謹案毛詩作威儀反反傳云反反言重慎也反卽反之省借爾雅釋詁反大也玉篇反大也善也王篇反善之訓卽本韓詩馬瑞辰曰毛訓重慎亦善貌也周頌執競詩威儀反反毛傳反反難也義與此傳重慎相成故詩疏亦以重難釋之

屢舞傲傲

補玉篇人部傲醉舞貌詩云屢舞傲傲

喬樅謹案毛傳云傲傲舞不能自正也此云傲
醉舞貌當是韓詩之訓

賓既醉止載號載呶

韓詩曰賓既醉止載號載呶不知其爲惡也

孔融傳注

韓詩遺說攷卷第三

三之四

福州陳壽祺學

男喬樅述

韓詩小雅四

魚藻

有頌有首

韓詩曰頌衆貌

釋文

喬樅謹案毛傳訓頌爲大首貌與韓詩義異玉篇四頌下引詩云有頌其首頌大首貌一云衆也此兼採毛韓二義馬瑞辰曰按說文寡字註云頌分也韓詩訓頌爲衆蓋讀頌如紛紜之紛

以義推之二章有莘其尾韓詩莘當讀辭說文
辭辭衆多貌又說文桑盛貌讀若詩莘莘征夫
亦衆盛貌文選高唐賦縱縱莘莘注引詩有莘
其尾毛萇曰莘衆多也案毛傳云莘長貌胡承
珙謂此李善之誤以韓爲毛其說是也

采菽

采菽采菽筐之筥之君子來朝何錫與之

補後漢書明帝手詔曰瞻望永懷實勞我心誦及采
菽以增歎息○李賢注采菽詩小雅之章也其詩曰
采菽采菽筐之筥之君子來朝何錫與之

東平憲
王傳

喬樅謹案與毛詩作予章懷所引當是據韓詩
之文又攷白虎通考黜篇引亦作與鄭君儀禮
覲禮注引此詩下文又何與之字皆作與是三
家今文同也

觶沸濫泉

補玉篇角部觶沸濫泉

喬樅謹案毛詩作觶沸檻泉此所引是據韓詩
之文玉篇又云觶或作澤澤字亦韓詩之異文
彼交匪舒天子所予

韓詩外傳四問栝者不告告栝者勿問有諍氣者勿

與論必由其道至然後接之非其道則避之故禮恭
然後可與言道之方辭順然後可與言道之理色從
然後可與言道之極故未可與言而言謂之瞽可與
言而不與之言謂之隱君子不瞽不隱言謹慎其序
詩曰彼交匪紆天子所與言必交吾志然後予也

喬樅謹案毛詩作匪交匪紆鄭箋云彼與人交
接自偏束如此則非有解怠紆緩之心天子以
是故賜予之鄭說與韓詩外傳引詩言必交吾
志然後予也合韓詩以交爲交接之意鄭箋卽
本韓詩爲說

使便左右

韓詩曰便便閑雅之貌

釋文

喬樞謹案便便毛詩作平平傳云平平辯治也
左傳引作便蕃左右平便辯皆以音近通轉正
義曰堯典平章百姓書傳作辯章則平辯義通
而古今之異耳服虔云平平辯治不絕之貌則
平平是貌狀也韓詩訓便便爲閑雅貌者辯治
有整暇之意故爲閑雅貌也

紉纚維之

韓詩曰纚笄也

釋文

○二曰纚繫也

文選五十八顏延之宋元皇后哀策

文注

喬樾謹案說文云箝筴也筴竹索也釋名云引舟者爲箝箝作也作起也起舟使動行也玉篇云箝竹索也引舟竹筴也爾雅釋水云緇緇維之緇緯也緇緯也李巡曰緇竹爲索所以維持舟者孫炎曰舟止繫之於樹木戾竹爲大索郭璞曰緇索也緇繫也爾雅訓緇爲緇韓詩訓緇爲箝雖所釋不同而要皆爲維舟之索箝以繫舟使止亦以引舟使行今時行舟者猶然鄭箋言以緇繫其緇以制行之亦主引舟爲說故云

猶諸侯之治民御之以禮法也然則韓以纒訓
箠又訓繫者箠以舟行言之繫以舟止言之皆
所以維持舟者兼二義也紼字韓詩無訓毛傳
云紼絆也與爾雅同正義引定本及集注以毛
云紼弗也與爾雅異馬瑞辰據說文弗大也玉
篇作爽紼从弗亦有大義故孫炎以爲大索喬
樅謂崔集注本訓紼爲弗弗猶戾也卽孫炎所
云戾竹爲大索是也

福祿胝之

韓詩曰胝厚也

釋文

喬樞謹案𦵏毛詩作𦵏傳云𦵏厚也說文𦵏或从比作𦵏玉篇𦵏字同𦵏𦵏本訓爲𦵏脰又得訓厚者此與腹字同意皆引伸段借之義也說文云腹厚也腹與複通月令水澤腹堅注云腹厚也釋文云腹本又作複𦵏與𦵏通𦵏厚也見節南山詩傳是其驗也

優哉采哉亦是戾矣

韓詩外傳四子爲親隱義不得正君誅不義仁不得愛雖違仁害義法在其中矣詩曰優哉游哉亦是戾矣

案此引詩優哉游哉游當作柔據卷八引定之

角弓

民之無良相怨一方受爵不讓至於已斯已

韓詩曰良善也言王者所爲無有善者各相與於一

方而怨之

後漢書章帝紀注

韓詩外傳四齊桓公問於管仲曰王者何貴曰貴天
桓公仰而視天管仲曰所謂天者非蒼莽之天也王
者以百姓爲天百姓與之則安輔之則強非之則危
倍之則亡詩曰民之無良相怨一方民皆居一方而
怨其上不以者未之有也

又曰善御者不忘其馬善射者不忘其弓善爲上者
不忘其下誠愛而利之四海之內闔若一家不愛而
利之子或殺父而況天下乎詩曰民之無良相怨一
方

又曰有君不能事有臣欲其忠有父不能事有子欲
其孝有兄不能敬有弟欲其從令詩曰受爵不讓至
於已斯亡言能知於人而不能自知也

喬樅謹案荀子劉向皆以亡爲危亡之凶此魯
詩之義也毛傳云爵祿不以相讓故怨禍及之
亦與魯詩義同馬瑞辰謂亡當讀如忘詩蓋言

人之無良一方之人皆知怨之至於已受爵不
讓亦謂無良則忘之也據韓詩外傳引詩言知
於人而不能自知爲證今按馬說非也韓詩外
傳引詩民之無良二句云民皆居一方而怨其
上不亡者未之有也明訓以爲危亡之亡與毛
魯同義其云知於人而不能自知者乃以已對
人言之釋詩言已之所以至于危亡之意非讀
亡爲忘也馬說殆失檢耳

如食餼餼

韓詩曰儀我也

釋文

喬樸謹案毛詩儀作宜釋文云本作儀儀宜古
字通用儀通作宜猶義之通作誼也韓詩訓儀
爲我者我與俄通說文我字注云或說我頃頔
也是古文卽以我爲俄字又人部云俄頃也玉
篇曰俄頃須臾也廣韻俄頃速也累言之爲俄
頃單言之爲俄荀子榮辱篇塞者俄且通也陋
者俄且倘也愚者俄且知也公羊桓二年傳俄
而可以爲其有矣是也又通作蛾漢書班婕妤
傳蛾而大幸集句引如淳曰蛾無幾之頃也俄
與孔對文儀訓爲俄孔亦當訓爲甚皆所以申

言不私其後之意也鄭箋釋孔爲詭之孔謂度其所勝多少義與韓異

雨雪應應瞻睨聿消

韓詩曰瞻睨聿消瞻睨日出也

釋文

韓詩外傳四夫當世之愚飾邪說文姦言以亂天下欺惑衆愚使混然不知是非治亂之所存者則是范睢魏牟田文莊周慎到田駢墨翟宋鉏鄧析惠施之徒也此十子者皆順非而澤聞見雜博然而不師上古不法先王按往舊造說務而自功道無所遇而人相從故曰十子之工說說皆不足合大道美風俗治

綱紀然其持之各有故言之皆有理足以欺惑衆愚
交交 樸鄙則是十子之罪也若夫總方略一統類齊
言行羣天下之英傑告之以大道教之以至順陬窾
之間衽席之上簡然聖王之文具沛然平世之俗起
工說者不能入也十子者不能親也無置錫之地而
王公不能與爭名則是聖人之未得志者也仲尼是
也一天下財萬物長養人民兼利天下通達之屬莫
不服從工說者立息十子者遷化則聖人之得勢者
舜禹是也仁人將何務哉上法堯舜之制下則仲尼
之義以務息十子之說如是者仁人之事畢矣天下

之害除矣聖人之迹著矣詩曰雨雪瀼瀼見晁津消
喬樞謹案一天下起至聖人之得勢者三十九
字本皆脫佚今據荀子文補之

又外傳七孔子遊於景山之上子路子貢顏淵從孔
子曰君子登高必賦小子願者何言其願某將啟汝
子路曰山願奮長戟盪三軍乳虎在後仇敵在前蝨
躍蛟奮進救兩國之患孔子曰勇士哉子貢曰兩國
搆難壯士列陣塵埃漲天賜不持一尺之兵一斗之
糧解兩國之難用賜者存不用賜者亡孔子曰辯士
哉顏回不願孔子曰回何不願顏淵曰二子已願故

不敢願孔子曰不同意各有事焉回其願某將啟汝
顏淵曰願得小國而相之主以道制臣以德化君臣
同心外內相應列國諸侯莫不從義嚮風壯者趨而
進老者扶而至教行乎百姓德施乎四蠻莫不釋兵
輻輳乎四門天下咸獲永甯煊飛蠕動各樂其性進
賢使能各任其事於是君綏於上臣和於下垂拱無
爲動作中道從容得禮言仁義者賞言戰鬥者死則
由何進而救賜何難之解孔子曰聖士哉大人出小
人匿聖者起賢者伏回與執政則由賜焉施其能哉
詩曰雨雪瀼瀼見覯聿消

案外傳引詩雨雪漙漙見晁聿消見宜據釋文作
漙漙宜從詩攷引作庶今本外傳字並誤

喬樅謹案今本外傳是後人據毛詩所改也毛
詩見晁曰消傳云晁日氣也箋云日將出其氣
始見人則皆稱曰雪今消釋矣讀見爲如字文
義與三家並異詳見魯詩遺說攷

莫月下隕

薛君韓詩章句曰隕猶遺也

文選十六陸
機歎逝賦注

喬樅謹案毛詩作莫月下遺鄭箋云遺讀曰隨
謂以禮相卑下先人而後已又荀子非相篇引

詩作莫肯下隧楊倞注云隧讀爲隨莫肯下隨
於人卽用鄭箋爲說隤遺墜隨古皆以聲近通
用盧氏文弼疑谷風棄予如遺韓詩作棄予如
隤故薛君云然今攷韓詩外傳七引谷風詩作
遺則薛君所釋確爲此篇章句無疑盧氏殆失
檢耳

如蠻如髦我是用憂

韓詩外傳四愛由情出謂之仁節愛理宜謂之義致
愛恭謹謂之禮文禮謂之容禮容之美自足以爲治
其言可以爲民道故民從是言也行可以爲民法故

民從是行也書之於策傳之於志語萬世子子孫孫
道而不舍由之卽治失之卽亂由之卽生失之卽死
今天敗體之序與禽獸同節言語之暴與蠻夷不殊
混然無道此明王聖主之所罪詩曰如蠶如髦我是
用憂

又曰君子大心卽敬天而道小心卽畏義而節知卽
明達而類愚卽端慤而法喜卽和而治憂卽靜而遠
達卽富而容窮卽約而詳小人大心卽慢而暴小心
卽淫而傾知卽攫盜而漸愚則毒賊而亂喜則輕易
而快憂則挫而懾達則驕而偏窮則棄而累其肢體

之序與禽獸同節言語之暴與蠻夷不殊出則爲宗族患入則爲鄉里憂詩曰如蠻如髦我是用憂

又曰出則爲宗族患入則爲鄉里憂詩曰如蠻如髦我是用憂小人之行也

苑柳

上帝甚愔無自療焉

韓詩外傳四客有說春申君者曰湯以七十里文王百里皆兼天下一海內今夫孫子者天下之賢人也君藉之百里之勢臣竊以爲不便於君若何春申君曰善於是使人謝孫子去而之趙趙以爲上卿客入

說春申君曰昔伊尹去夏之殷殷王而夏亡管仲去
魯而入齊魯弱而齊強由是觀之夫賢者之所在其
君未嘗不善於國未嘗不安也今孫子天下之賢人
何謂辭而去春申又云善於是使請孫子孫子因爲
書謝曰鄙語曰癘憐王此不恭之語也雖然不可不
審也此爲刼殺死亡之主言也夫人王年少而放無
術法以知奸即大臣以專斷圖私以禁誅於已也故
捨賢長而立幼弱廢正直而用不善故春秋之志曰
楚王之子圍聘於鄭未出境聞王疾返問疾遂以冠
纓絞王而殺之因自立齊崔杼之妻美莊公通之崔

抒帥其黨而攻莊公公請與分國崔杵不許欲自刃
於廟崔杵又不許莊公走出踰於外牆射中其股遂
殺之而立其弟景公近世所見李兌用趙餓王父於
沙邱百日而殺之淖齒用齊權閔王之筋而懸之於
廟宿昔而殺之夫癘雖癰腫痂疔上比遠世未至絞
頸射股也下比近世未至擢劬餓死也夫刼殺死亡
之主心之憂勞形之苦痛必甚於癘矣由此觀之癘
雖憐王可也因爲賦曰璇玉瑤珠不知佩雜布與錦
不知異閭媼子都莫之媒媼母力父是之喜以盲爲
明以聾爲聰以是爲非以吉爲凶嗚乎上天曷維其

同詩曰上帝甚愜無自瘳焉

喬樅謹案愜毛詩作蹈傳云蹈動也箋云蹈讀曰悼與韓文異馬瑞辰曰按一切經音義引韓詩曰上帝甚陶陶變也變與動同義蹈從咎聲咎古聲如由陶讀如阜繇之繇聲亦與由同故通用蹈通作陶猶鼓鐘詩憂心且妯韓詩作陶又如江漢詩江漢滔滔風俗通山澤篇引作江漢陶陶楚詞九章滔滔孟夏史記屈原傳作陶陶也禮記人喜則斯陶淮南本經篇云樂斯動動斯蹈蹈亦陶也廣雅陶化也淮南本經訓言

陰陽之陶化萬物陶化猶變化也蹈又通悃韓
詩外傳引詩下章作上帝甚悃而上引孫子賦
云云則悃亦變亂是非之意戰國策楚策又引
詩上天甚神王觀察云神者悃字之壞蓋傳寫
之誤不若陶悃蹈古同聲得通其義均與毛傳
訓動同也動者言其喜怒變動無常檢詩中心
是悼毛傳悼動也是悼亦得訓動與蹈同義若
箋訓爲悼病則失之矣喬樞謂韓詩蹈字作悃
明見外傳則作陶者必非韓詩衆經音義卷五
陶現下但引詩云上帝甚陶陶變也不言爲韓

詩當是齊魯之異文異義見於他書者而元應
採之以證陶現之爲變現耳馬據鼓鐘詩妯字
韓作陶故以意定之然江漢詩滔滔風俗通引
作陶陶應劭用魯詩者則安知上帝甚陶非魯
詩之異文耶鄭箋讀滔爲悼悼字疑爲齊詩異
文悼病之訓當亦本於齊說馬以箋訓爲失據
毛詩中心是悼傳謂悼亦得訓動不知毛於檜
詩訓悼爲動者乃以動爲慟之消借非訓爲變
動之義也惟以陶滔滔聲近義通皆爲變動無
常之意其說得之又趙懷玉外傳校本云崔杵

帥其黨以下十四字舊本脫佚今據戰國楚策補崔杵又不許五字舊本亦脫韓非子作崔子又不聽今依倣補之

都人士

喬樸謹案此詩毛氏五章三家皆止四章詩正義云襄十四年左傳引此詩行歸于周萬民所望二句服虔曰逸詩也都人士首章有之禮記注亦言毛氏有之三家則亡今韓詩實無此章時三家列於學官毛詩不得立故服以爲逸胡承珙曰賈誼新書等齊篇引詩云彼都人士狐

裘黃裳行歸于周萬民之望賈時毛詩未行又
所引字亦小異疑同於三家然則三家無此首
章或後漢時逸之亦未必本無也

采錄

薄言觀者

釋文

喬樅謹案毛詩觀字作觀傳云多也正義云俗
本作觀觀誤也定本集注並作多攷爾雅釋詁
觀多也郭注引詩薄言觀者郝氏義疏以爲觀
聲同灌灌叢也叢聚亦多也今據毛詩作觀觀
卽後人據韓詩改之觀義亦訓得多說文觀爲

古文睹字覩從見者聲者從白帛聲帛古文旅
旅有衆義故都从邑者聲義訓爲衆諸从言者
聲義訓爲衆然則覩亦有衆義衆卽多也

隔桑

既見君子德音孔膠

韓詩外傳四南苗異獸之鄴猶犬羊也與於人猶死
之藥也安舊倭質習貫易性而然也夫狂者自斲忘
其非獨衆也飯土而忘其粱飯也然則楚之狂者楚
言齊之狂者齊言習使然也夫習之於人微而著深
而固是暢於筋骨貞於膠漆是以君子務爲學也詩

曰既見君子德音孔膠

中心藏之何日忘之

韓詩外傳四孟子曰仁人心也義人路也舍其路而弗由放其心而弗求人有雞犬放則知求之有放心而不知求其於心爲不若雞犬哉不知類之甚矣悲夫終亦必亡而已矣故學問之道無他焉求其放心而已詩曰中心藏之何日忘之

又曰道雖近不行不至事雖小不爲不成暇日多者出人不遠矣夫巧弓之見手也傳角被筋膠漆之和卽可以爲萬乘之寶也及其被手而買不數銖人同

材鈞而貴賤相萬者盡性致志也詩曰中心藏之何
日忘之

白華

泱泱白雲

喬樅謹案毛詩釋文英英韓詩作泱泱說文云
泱泱也滄雲氣起也文選潘安仁射雉賦天泱
泱以垂雲卽用韓詩語徐爰注曰泱音英李善
注引毛詩英英白雲毛萇曰英英白雲貌泱與
英古字通六月詩白旆央央公羊宣十二年疏
引孫氏說作帛旆英英是已

天步艱難之子不猶

韓詩異要曰天行艱難於我身不我可也

詩正義引侯苞

喬樅謹案毛傳云步行猶可也鄭箋云猶圖也王肅述毛云天行艱難使下國化之以倡爲不可故也正義曰如肅之言與上章不類今以侯爲毛說然則知韓詩訓猶爲可其義與毛傳同鄭箋訓猶爲圖蓋據齊魯之說改毛也

鼓鐘于宮聲聞于外

韓詩外傳四傳曰誠惡惡知刑之本誠善善知敬之本被誠感神達乎民心知刑敬之本不怒而威不言

而信誠德之主也詩曰鼓鐘于宮聲聞于外

又曰孔子見客客去顏淵曰客仁也孔子曰恨兮其
心類兮其口仁則吾不知也言之所聚也顏淵蹙然
變色曰良玉度尺雖有十仞之土不能掩其光良珠
度寸雖有百仞之水不能掩其瑩夫形體也色心也
閔閔乎其薄也苟有溫良在中則眉睫著之矣疵瑕
在中則眉睫不能匿之詩曰鼓鐘于宮聲聞于外
又曰偽詐不可長空虛不可守朽木不可雕情亡不
可久詩曰鼓鐘于宮聲聞于外言有中者必能見外
也

又外傳七昔者孔子鼓瑟曾子子貢側門而聽曲終
曾子曰嗟乎夫子瑟聲殆有貪狠之志邪僻之行何
其不仁趨利之甚子貢以爲然不對而入孔子望見
子貢有諫過之色應難之狀釋瑟而待之子貢以曾
子之言告子曰嗟乎夫參天下賢人也其習知音矣
鄉者某鼓瑟有鼠出游狸見於屋循梁微行造焉而
避厭目曲脊求而不得某以瑟浮其音參以某爲貪
狠邪僻不亦宜乎詩曰鼓鐘于宮聲聞于外

案元槧本外傳作鐘鼓非

視我怖怖

韓詩曰怵怵意不說好也

釋文

案說文引詩亦作怵怵從韓氏也毛詩作邁邁傳云不說也字異義同

喬樅謹案毛詩音義引說文云很怒也很怒卽不說好之義今本說文云怵恨怒也與陸氏所引小異段氏注云宜從釋文作很怒邁卽怵之段借非有韓詩則毛詩不可通矣故許宗毛而不廢三家詩又廣雅亦云怵怒也

之子無良二三其德

韓詩外傳四所謂庸人者口不能道乎善言心不能

知先王之法動作而不知所務止立而不知所定日
選於物而不知所貴不知選賢人善士而托其身焉
從物而流不知所歸五藏爲政心從而壞遂不反是
以動而形危靜則名辱詩曰之子無良二三其德

緜蠻

緜蠻黃鳥

韓詩曰緜蠻黃鳥○薛君注曰緜蠻文貌文選十一

殷賦注○又四十六
王融曲水詩序注

喬樅謹案毛傳云綿蠻小鳥貌與薛君訓異馬
瑞辰曰綿蠻二字雙聲說文緜聯微也廣雅緜

小也。縣有小義，故傳以爲小鳥貌。文選注引韓詩薛君章句，以縣蠻爲文貌。案爾雅釋詁，覲，髮弗離也。縣蠻，卽覲髮之轉。蓋文采縟密之貌，故韓詩以爲文貌。當從韓詩說爲允。黃鳥本爲小鳥，詩以喻微臣，其義已顯，不必更以縣蠻爲小貌耳。

豈敢憚行畏不能趨

韓詩外傳四客有見周公者，應之於門曰：「何以道且也？」客曰：「在外卽言外，在內卽言內。」入乎將毋？周公曰：「請入。」客曰：「立卽言義，坐卽言仁。」坐乎將毋？周公曰：「請。」

坐客曰疾言則翕翕徐言則不聞言乎將毋周公曰
唯唯且也喻明日與師而誅管蔡故客善以不言之
說周公善聽不言之說若周公可謂能聽微言矣故
君子之告人也微其救人之急也婉詩曰豈敢憚行
畏不能趨